

四庫全書

經部

欽定四庫全書

經部

五禮通考卷九十三

詳校官侍郎臣劉躍雲

給事中臣溫常綬覆勘

總校官進士臣繆琪

校對官庶吉士臣嚴福

謄錄監生臣劉文耀

欽定四庫全書

五禮通考卷九十三

刑部尚書秦蕙田撰

吉禮九十三

宗廟時享

文獻通考宋親享太廟別廟行禮儀注

誓戒

如紹興修立郊祀誓戒儀注惟不置郊社今誓文曰今

年七月十四皇帝爲登寶位親行朝享太廟別廟各揚其職其或不恭國有常刑

致齋

皇帝散齋七日於別殿致齋三日於齋殿至行禮日自齋殿詣太廟餘如郊祀儀注

陳設

並同郊祀前一日朝享太廟禮惟不設四方客使次及陳諸州歲貢并實俎不以牛止用羊豕

省牲器

儀註如紹興十三年親享唯舊用未後二刻掃除廟內外陳設祭器幣篚三刻省牲饌鼎鑊樂器等今用其日質明車駕自齋殿詣太廟

其日文武侍祠行事執事助祭官宗室先詣太廟祠所其從駕臣僚並服常服就次有司進輦於齋殿其從駕臣僚並俟從駕次禮直官宣贊舍人引禮部侍郎奏請中嚴少頃又奏外辦皇帝自內服履袍詣齋殿即御座

鳴鞭行門禁衛諸班親從等諸司祇應人員以下各自

贊常起居次知客省事以下樞密都承旨以下入內內

侍省都知以下帶御器械官應奉祇應通侍大夫以下

武功大夫以下及幹辦庫務文臣一班常起居宣贊舍

人贊從駕臣僚並常起居凡起居者止奏聖躬萬福次管軍臣僚並

常起居該宣名即宣名若得旨免起居更不起居皇帝乘輦降自西

階稱警蹕侍衛如常儀出和寧門將至太廟御史臺閣

門分引文武助祭官宗室禮直官贊者引行事執事官

俱詣廟櫺星門外立班再拜奉迎訖退

內已奏起居止
奏聖躬萬福

皇帝乘輦入櫺星門至大次侍衛如常儀皇帝降輦入
大次簾降舍人承旨勅羣臣各還次以俟立班行禮

晨裸

並同郊祀前朝享太廟禮但諸帝室既裸後禮儀使
引皇帝至別廟后室前裸鬯如上儀

饋食

並同郊祀前朝享太
廟禮惟無牛鼎俎

亞終獻

皇帝飲福

神主入室

並同紹興十三年儀注唯飲福不用牛俎

車駕還內

臣僚禁衛等起居迎駕奏聖躬萬福訖以俟從駕還內
並如來儀禮部郎中奏解嚴宣贊舍人承旨敕羣官各
還次將士各還其所

宋史樂志紹興別廟樂歌五首

升殿崇安 新廟肅肅藏事以時陟降階城雍容有
儀鞠躬周旋罔敢不祇祝史正辭靈其格思

奉俎肅安 肇嚴廟祀爰圖遺芳物必稱德或陳或
將有縟其儀有苾其香靈兮來下割烹是嘗

懿節皇后室酌獻明安 曾沙表慶正位椒庭徽音
杳邈宮壺儀刑虔修祀事清酌惟馨縮以包茅昭格
明靈

亞終獻嘉安 霄漢月墮郊原露稀徽音如在延佇

來歸有酒既清累觴載祇神具醉止燕衍怡怡

徹豆寧安 仙馭弗返眇邈清都薦此嘉穀既豐既
腴奠享有成鼓樂愉愉徹我豆籩率禮無踰

乾道別廟樂歌三首

詣廟乾安 涓選休辰于秋之杪既齊既戒爰格祖
廟有侑儀坤舊章是倣享祀奚爲天子純孝

升殿乾安 宗祀九筵先薦闕宮陟自東階煌煌袞
龍於穆聖善監茲禮容是享是宜介福無窮

懿節皇后室酌獻敬安 丕顯文母厚德維坤仙馭
雖邈徽音固存瑟彼玉瓚酌此鬱尊簡簡穰穰裕我
後昆

文獻通考太廟時享儀注

時日

太常寺預於隔季以孟春擇日享太廟別廟闕太史局
孟夏孟秋孟冬並准此若臘享則預
於隔季以季冬臘月享太廟別廟 太史局擇日報太

常寺

臘享則以其
日報太常寺

太常寺參酌訖具時告散告

齋戒

前享十日受誓戒於尚書省其日五鼓贊者設位版於

都堂下初獻官在左刑部尚書在右並南向亞終獻位

於其南稍東北向西上

若冬享臘享則又設禮官位於終獻之東其揖位省牲位省饌

此位准 監察御史位於其西稍北東向兵部工部尚書押

樂太常卿光祿卿押樂太常丞光祿丞位於其南稍西

北向東上

凡設太常丞光祿丞位皆稍却

奉禮協律郎太祝太官宮闈

令位於其東西向北上捧俎官薦香燈官位其後質明

贊者引行事執事官就位立定禮直官引初獻降階就

位禮直官贊揖在位者對揖初獻搢笏讀誓文云某月

某日孟春薦享太廟別廟

夏云孟夏秋云孟秋冬云孟冬臘享云季冬臘享

各

揚其職不共其事國有常刑讀訖執笏禮直官贊奉禮

協律郎太祝太官宮闈令以下先退餘官對拜乃退散

齋七日治事如故宿於正寢不弔喪問疾作樂判書刑

殺文書決罰罪人及與穢惡致齋三日

光祿卿丞太官令齋一日

二

日於本司

宗室及睦親宅都廳如相妨即於宗學餘官無本司者並於太廟齋坊直明至齋所

唯

享事得行其餘悉禁前享一日質明俱赴祠所齋宮官給酒饌享官已齋而闕者通攝行事

陳設

前享三日儀鸞司設饌幔於東神門外別廟饌幔于本

廟

每室饌幔各一若冬享則設配享功臣次于殿下橫街之南東西相向每室配享功臣各爲一次若臘享

則設七祀次一於橫街之北道西東向前二日有司牽牲詣祠所前一日

宮闈令帥其屬掃除廟之內外太常設祭器

凡設祭器皆藉以席

邊豆又加巾蓋以俟告潔既畢有司陳牲於東神門外當門西

向祝史各位於牲後太常設省牲位於牲西三獻官在道南北向兵部工部尚書押樂太常卿光祿卿押樂太常丞光祿丞奉禮協律郎太祝太官宮闈令在道北南向俱西上

凡設押樂太常丞以下位皆稍却若享日則不設光祿卿丞宮闈令位

監察御

史於兵部尚書之西少北太常陳禮饌於東神門外却東道北南向設省饌位版於禮饌之南三獻官皆南北向西上監察御史在西東向兵部尚書押樂太常卿光祿卿押樂太常丞光祿丞奉禮協律郎太祝太官宮闈

令在東西向北上捧俎官薦香燈官在其後太常設登歌之樂於太廟別廟殿上前楹間却南北向設宮架於太廟庭中立舞表於鄴綴之間享日丑前五刻禮直官贊者諸司職掌各服其服宮闈令入殿開室整拂神幄帥其屬掃除鋪筵在室內北牖下南向几在筵上如常儀太常陳幣篚各於神位前之左幣以白一祝版各於神位之右置於坫次祭器實之每室左二十有六籩為四行以右為上右二十有六豆為四行以左為上俎二一在

籩前

實以羊腥七體

一在豆前

實以豕腥七體其載如羊

又俎六在豆右為

三重以北為上

第一重實以羊豕首各一第二重實以羊腥腸胃肺高肺一在上端刳肺三次

之腸三胃三又次之一實以豕腥膚九橫載第三重一實以羊熟腸胃肺一實以豕熟膚其載如腥皆羊在左

豕在右

登一在籩豆間

實以大羹

釧三在登前

實以羹

滑簋八簋

八在籩豆外二俎間簋在左簋在右

簋實以稻梁梁在稻前簋實以黍稷

稷在黍前

登一在籩之左

實以肝膋

槃一在室戶外稍東

實以毛血 爐

炭於室戶外之左稍前置蕭蒿於筐設尊罍於殿上為

二重著尊二加勺罌為上尊

一實玄酒一實醴齊初獻酌之

壺尊二加

勺冪

一實玄酒一實盎齊亞終獻酌之

春夏設雞彝一并舟在著尊之

右

實以鬱鬯初獻酌之秋冬臘享則設筭彝

加勺冪又設雞彝一并舟在著

壘之右

實以明水秋冬臘享則設黃彝

太尊二

一實泛齊一實醴齊

山尊二

一實盎齊

一實醴齊犧尊二

一實沈齊一實事酒

象尊二

一實昔酒一實清酒

壘皆實以明

水俱北向西上皆加冪設而不酌爵坫三在尊之前太

常設燭於神位前

若冬享設配享功臣位於殿下橫街之南次內若臘享則設七祀司命戶

窳中雷門厲行於橫街之北次內皆太常設神位席本廟設神位版太常設祭器實之

又設俎二

於東神門外每室饌幔內洗二於東階下直東雷北向

盥洗在東 疊在洗東加勺 篚在洗西南 肆實以巾 若爵洗之

篚則又實以圭瓚及別廟則實以璋瓚 執壘篚者位其後 若冬臘二享則又設禮官盥洗

一於從事 又設揖位於東神門外如省牲位 唯不設光祿卿丞捧

組官薦香燈 開瘞坎於太廟別廟殿西階之東方深取

足容物南出陞設望瘞位於太廟瘞坎之南如省饌之

位 唯不設光祿卿丞太官今奉組官薦香燈官官闡令位若臘享則積七祀燎柴於西神門外 又設

三獻官席位於殿下東階之東南西向北上 若冬享臘享則又設

禮官位於終獻之北 兵部工部尚書於其南西向北上 監察御史

押樂太常丞席位於殿庭之南北向奉禮協律郎太祝
太官令位其後俱西上光祿卿席位於監察御史之東
北向又設監察御史位於殿上前楹西架東向奉禮郎
太祝在東西向北上押樂太常丞於樂虞之北太官令
於酌尊所俱北向協律郎位二一於太廟殿上前楹間
稍西一於宮架西北俱東向押樂太常卿位於宮架北
北向

省牲器

同郊祀前朝
享太廟禮

晨裸

享日丑前五刻

行事春冬用丑時七刻夏秋用丑時一刻

祠祭官引宮闈令

入詣殿庭北向立祠祭官曰再拜宮闈令再拜升殿開

室整拂神幄帥其屬掃除退就執事位次引薦香燈官

入詣殿庭北向立

凡宮闈令薦香燈捧俎官行事皆祠祭官引

祠祭官曰再

拜薦香燈官再拜升殿各就執事位次樂正帥工人二

舞入就位

太廟別廟登歌工人俟監察御史點閱訖升西階各就位

次太官令光祿

丞帥其屬實饌具畢光祿丞還齋所次引光祿卿入詣

殿庭席位北向立贊者曰再拜光祿卿再拜升殿點視禮饌畢次引監察御史升殿點閱陳設糾察不如儀者

凡點視及點閱皆先詣傳祖室以至次室及別廟

光祿卿還齋所餘官各服祭

服次引行事執事官詣東神門外揖位立定禮直官贊揖次引押樂太常卿太常丞協律郎次引監察御史奉禮郎太祝太官令入就殿下席位北向立次引初獻兵部工部尚書亞終獻入就殿下席位西向立

若冬享臘享則引禮

官祠祭官於殿上贊奉神主次引薦香燈官入室搢笏

於祔室內奉帝主設於座

奉神主詣神幄內於几後啟
匱設於座以白羅巾覆之

執笏退復執事位次引宮闈令奉后主奉別廟宮闈令

奉后主如上儀

以青羅
巾覆之

退復執事位祠祭官於殿上贊

奉神主訖禮直官稍前贊有司謹具請行事贊者曰再

拜在位者皆再拜次引監察御史押樂太常卿太常丞

奉禮協律郎太祝太官令各就位立定

太官令就僖
祖位尊彝所次

引初獻詣盥洗位北向立搢笏盥手悅手執笏詣爵洗

位北向立搢笏洗瓚授執事者執笏升殿詣僖祖室尊

奠所西向立執事者以瓚授初獻初獻搯笏跪執瓚執
奠者舉窳太常令酌鬱鬯訖先詣宣祖室尊奠所北向
立初獻以瓚授執事者執笏興詣僖祖室神位前北向
立搯笏跪次引奉禮郎搯笏西向跪執事者以瓚授奉
禮郎奉禮郎奉瓚授初獻初獻執瓚以鬯裸地奠訖以
瓚授執事者次執事者以幣授奉禮郎奉禮郎奉幣授
初獻執笏興先詣宣祖室神位前西向立初獻受幣奠
訖執笏俛伏興出戶外北向再拜次詣宣祖室太祖室

太宗室真宗室仁宗室英宗室神宗室哲宗室徽宗室
欽宗室次降西側階詣別室升西階詣懿節皇后室安
穆皇后室安恭皇后室裸鬯奠幣並如上儀訖降東側
階由東廊俱復位立協律郎跪俛伏舉麾興工鼓柷宮
架作興安之樂孝熙昭德之舞九成偃麾戛鼓樂止

凡樂

皆協律郎跪俛伏舉麾興工鼓
柷而後作偃麾戛鼓而後止

既晨裸薦香燈官入取

毛血奠於神座前別廟以太祝太官令取肝以鸞刀制
之洗於鬱鬯貫之以膏燎于爐炭薦香燈官以肝膏入

詔神於室別廟以太祝又出以隋祭于室戶外之左三
祭于茅苴退復位

饋食

享日有司帥進饌者詣厨以匕升羊實于一俎

肩臂膈
在上端

肫膈在下端正脊一直脊一橫脊一長脊一短脊一代脊一皆二骨以並在中次升豕如羊實

于一俎

每室羊豕
各一俎

入設於饌幔內俟初獻既升裸訖捧

俎官及執事者捧俎入詣西階下北向北上次引兵部

工部尚書詣西階下搢笏捧俎

兵部奉羊
工部奉豕

升殿宮架豐

安之樂作詣僖祖神位前北向跪奠先薦羊次薦豕各

執笏俛伏興有司入設於豆右腸胃膚之前

羊在左豕在右

次

詣每室奉俎並如上儀樂止次詣別廟奠俎如前太廟

之儀

唯登歌作肅安之樂

降東側階由東廊復位初奠俎訖次引

薦香燈官取蕭合黍稷擩於脂燎於爐炭當饋熟之時

薦香燈官取菹擩於醢祭於豆間三又取黍稷肺祭如

初俱藉以茅別廟以太祝退復位次引太祝詣僖祖室

前東向立次引初獻再詣盥洗位宮架正安之樂作

初獻

升降行立皆作正安之樂

至位北向立搯笏盥手悅手執笏詣爵洗位北向立搯笏洗爵拭爵以授執事者執笏升殿上登歌樂作詣僖祖室酌尊所北向立樂止登歌基命之樂作執事者以爵授初獻初獻搯笏跪執爵執尊者舉冪太官令酌著尊之醴齊訖先詣宣祖室酌尊所北向立初獻以爵授執事者執笏興入詣僖祖室神位前北向立搯笏執事者以爵授初獻初獻執爵祭酒三祭于茅苴奠爵執笏俛伏興出戶北向立樂止次太祝搯笏跪

讀祝文讀訖執笏興先詣宣祖室戶外東向立初獻再

拜次詣每室及詣別廟行禮並如上儀

初獻詣別廟升降登歌作崇安

之樂酌獻行禮登歌並作欽安之樂

初獻將降階登歌作降階樂止宮架

樂作復位樂止文舞退武舞進宮架作正安之樂舞者

立定樂止次引亞獻詣盥洗位北向立搢笏盥手悅手

執笏詣爵洗位北向立搢笏洗爵拭爵以授執事者執

笏升殿詣僖祖室酌尊所西向立宮架作武安之樂禮

洽儲祥之舞執事者以爵授亞獻搢笏跪執爵執尊者

舉冪太官令酌壺尊之盞齊訖先詣宣祖室酌尊所北
向立亞獻以爵授執事者執笏興詣僖祖室神位前北
向立搢笏跪執事者以爵授亞獻亞獻執爵祭酒三祭
于茅首奠爵執笏俛伏興出戶外北向再拜次詣每室
并別廟行禮並如上儀

亞終獻詣別廟酌獻登歌並作嘉安之樂

初亞獻既

入太室引終獻詣洗及升殿行禮並如上獻之儀訖俱

降復位

若冬享則俟終獻將升次引禮官詣盥洗位搢笏盥手悅手執笏詣配享功臣神位前搢笏跪

執爵三祭酒奠爵執笏俛伏興再拜詣次位行禮並如上儀退復位若臘享則俟終獻將升次引禮官詣盥洗

位搯笏盥手悅手執笏詣司命神位前搯笏跪執爵三
祭酒奠爵執笏俛伏興少立次引太祝進詣神位前北
向搯笏跪讀祝文讀訖執笏興退復位禮官再拜
詣每位前行禮並如分獻配享功臣之儀退復位

太祝徹籩豆

籩豆各一少移故處

登歌恭安之樂作

別廟寧安之樂

卒徹

樂止次引宮闈令東茅訖俱復位禮直官曰賜胙贊者
承傳曰賜胙再拜在位者皆再拜送神宮架興安之樂
作一成止祠祭官於殿上贊奉神主入祔室次引薦香
燈官搯笏奉帝主入祔室

薦香燈官先捧匱置於神座納神主於匱訖捧入祔室

執笏退復位次引宮闈令奉后主并引別廟宮闈令奉

后主入祔室並如上儀退復位祠祭官於殿上贊奉神

主入祔室訖次引初獻兵部刑部尚書亞終獻就望瘞

位

若冬享臘享則又引禮官就望瘞位

有司詣室取幣束茅首於坎次引

監察御史押樂太常丞奉禮協律郎太祝就望瘞位立

定禮直官曰可瘞奠土半坎本廟宮闈令監視

別廟殿下宮闈

令監視次引初獻以下詣東神門外揖位立禮直官贊禮

畢揖訖退

若臘享則次引禮官詣西神門外七望燎位立有司置祝版於燎柴焚訖退

太官

令帥其屬徹禮饌次引監察御史詣殿監視收徹訖還

齋所宮闈令闔戶以降太常藏祝版於匱光祿卿以胙
奉進監察御史就位展視光祿卿望闕再拜乃退

宋史樂志攝事十三首

降神理安 肅肅清廟昭事祖禰粢盛苾芬四海來
祭皇靈格思令容有睟降福孔皆以克永世

太尉行正安 裸鬯溥將賓尸在位帝德升聞孝思
光被公卿庶正傅御師氏至誠感神福祿來暨

奠瓚瑞安 淳清育物瑞木成文元氣陶冶非烟郁

氛玄貺昭格至和所熏登歌裸獻盼蠻如聞

奉祖豐安 麗碑割牲以魚以烹博碩肥膾薦羞神

明祖考來格享于克誠如聞警效式燕以寧

酌獻僖祖室大善 肅肅藝祖肇基鴻源權輿光大

燕翼貽孫載祀惟永慶流後昆威靈在天顧我思存

順祖室大寧 思文聖祖長發其祥錫羨蕃衍德厚

流光眷命自天下世聿昌祗肅孝享降福無疆

翼祖室大順 明明我祖積德累仁居晦匿耀邁種

惟勤帝圖天錫輝光日新寢廟繹繹昭事同寅

宣祖室大慶 洸洸我祖時惟鷹揚潛德弗耀發源
靈長肆類配天永思不忘來顧來享百福是將

太祖室大定 赫赫太祖受命于天赤符啟運威加
八埏神武戡難功無間然翼翼丕承億萬斯年

太宗室大盛 穆穆太宗與天合德昧旦丕顯乾乾
翼翼敷佑下民時帝之力永懷聖神孝思罔極

真宗室大明 煌煌真宗善繼善承經武耀德臻于

治平封祀禮樂丕昭鴻名陟配文廟皇圖永寧

徹豆豐安 鼎俎既陳籩豆既設金玉在庭師工就

列備物有嚴著誠致潔孝維時思禮以雍徹

送神理安 神之來兮風肅然神之去兮升九天排

凌兢兮還恍惚羽旄紛兮蕭燔烟

紹興以後時享二十五首

迎神興安黃鐘為宮 奉先嚴祀率禮大經時思致

享肅薦芳馨竭誠備物樂奏和聲真馭來止熙事克

成

大呂為角 聖靈在天九關崇深風馬雲車紛其顧
臨擁祥儲休昭答孝心孝孫受祉萬福是膺

太簇為徵 嘉承和平秩祀為先乃練休辰祝史告
虔內心齊明祀具吉蠲交際恍惚如在後前

應鐘為羽 道信於神神靈燕娛酒有嘉德物惟其
時緩節安歌樂奏具宜欣欣樂康福祿綏之

奉俎豐安 王假有廟子孫保光奉牲以告玉俎膏

香專精厲意神其迪嘗休承靈意申錫無疆

初獻盥洗正安 恪恭祀典涓選休成設洗致潔直

於東榮嘉觴祗薦明德惟馨祖考來格享茲孝誠

升殿正安 冠佩雍容時惟上公享于清廟陟降彌

恭遵豆靜嘉絜盛潔豐孝孫有慶萬福來同

僖祖室酌獻基命 於穆文獻自天發祥肇基明命

錫羨無疆子孫千億宗社靈長神之格思如在洋洋

宣祖室酌獻天元 天啟炎厯集我大命長發其祥

篤生上聖夷亂芟荒乾坤以定時祀聿修孝孫有慶
太祖室酌獻皇武赫赫藝祖受天明命威加八紘
德垂累聖祀事孔明有嚴笙磬對越在天延休錫慶
太宗室酌獻大定明明在上時維太宗允武允文
丕基紹隆於肅清廟昭報是豐皇靈格思福祿來同
真宗室酌獻熙文於穆真皇維烈有光丕承二后
奄奠萬方威加戎狄道格穹蒼歆時禋祀降福無疆
仁宗室酌獻美成至哉帝德乃聖乃神恭己南面

天下歸仁歷年長乂垂裕後人祀脩舊典寶命維新
英宗室酌獻治隆 炎基克鞏赫赫英宗紹休前烈
仁化彌隆篤生聖子堯湯比蹤烝嘗萬世福祿來崇
神宗室酌獻大明 於昭神祖運撫明昌肇新百度
克配三王遐荒底績聖武維揚永言執競上帝是皇
哲宗室酌獻重光 於皇濬哲適駿有聲率時昭考
丕顯儀刑功光大業道協三靈永綏厥後來燕來寧
徽宗室酌獻承元 天錫神聖徽柔懿恭垂衣拱手

遵制揚功配天立極體道居中佑我烈考萬福攸同
欽宗室端慶 於皇欽宗道備德宏允恭允儉克類
克明孝遵前烈仁翊函生歆茲肆祀永燕宗祫

高宗室大德 於皇時宋自天保定高宗受之再僕
景命紹開中興翼善傳聖何千萬年永綏厥慶

孝宗室大倫 聖人之德無加於孝思皇孝宗履行
立教始終純誠非曰笑貌於萬斯年是則是儆

光宗室大和 維宋洽熙帝統于理萬姓厚生三辰

順軌對時天休以燕翼子肅唱和聲神其有喜

文舞退武舞進正安 肅肅清廟於顯維德我祀孔

時我奏有翼秉翟載駿有來干戚神之燕娛休祥允
格

亞終獻文安 觀德宗祏奕世烈光有嚴祀典粵循
舊章樂諧九變獻舉重觴燕娛如在戩穀穰穰

徹豆恭安 禮備樂成物稱誠竭相維辟公神人以
說歌雍一章諸宰斯徹天子萬年無競維烈

送神興安 霜露既降時思展禋在天之御睠然顧
歆樂成禮備言歸靡停既安既樂福祿來成

上仁宗英宗徽號一首

入門升殿顯安 於穆仁祖寵綏萬方執競英考迄
用成康圖徽寶冊有烈其光庶幾億載與天無疆

上英宗尊號一首

入門正安 在宋五世天子神明羣公奉冊迺揚鴻
名金書煌煌適昭厥成思皇多祐與天同聲

增上神宗徽號一首

哲宗朝製

升殿顯安

於惟禰廟乃聖乃神秉文之士作起惟

新建官稽古一視同仁庶幾備號以享天人

紹興十四年奉上徽宗冊寶二首

冊寶入門顯安

於鑠徽考如天莫名迨茲丕揚擬

純粹精溫玉鏤文來至於祊有嚴奕奕禮備樂成

冊寶升殿顯安

金字煌煌瑤光燦燦羣工奉之登

此寶殿對越祖宗式遵成憲威靈在天來止來燕

上徽號顯安 惟精惟一乃聖乃神鴻名克揚茂實
斯賓如禹之功如堯之仁孝思永慕用詔無垠

淳熙十五年上高宗徽號三首

冊寶入門顯安 於穆高皇功德兼隆稱天以誅初
謚未崇載稽禮典揚徽垂鴻涓日之良登進廟宮

冊寶升殿顯安 有瑑斯寶有編斯冊導以麾仗奏
以金石祲威盛容煌煌赫赫臣工奉之高靈來格

上徽號顯安 中興之烈高掩商宗揖遜之美放勳

比隆字十有六擬諸形容威靈在天裕後無窮

慶元三年奉上孝宗徽號三首

冊寶入門顯安 巍巍孝廟聖德天通同符藝祖克

紹高宗有儀有冊載推載宗鏤玉繩金登奉祐宮

冊寶升殿顯安 文金晶熒冊玉輝潤統紹乎堯德

全于舜勤崇推高子孝孫順冠德百王萬年垂訓

上徽號顯安 金石充庭珩璜在列繪畫乾坤形容

日月巍巍功德顯顯謨烈垂億萬年鴻徽昭揭

文獻通考郊祀大禮前二日朝獻景靈宮行禮儀注

陳設

前朝獻三日儀鑿司設大次於齋殿又設文武侍臣次於大次之前隨地之宜行事助祭官宗室及有司次于宮之內外各隨地之宜設東方南方客使次于文官之後西方北方客使次于武官之後又設饌幔於殿門外隨地之宜前二日郊社令帥其屬掃除宮之內外太常設燎爐於殿門之外又陳登歌之樂於殿上前楹間稍

南北向設宮架於殿門外隨地之宜立舞表於鄼綴之間前朝獻一日奉禮郎禮直官設皇帝位版於阼階上西向飲福位于聖像之西南北向望燎位于殿下之東南向贊者設亞終獻位於阼階之東稍南西向大禮使左僕射於西階之西稍南東向

與亞終獻班相對

行事戶部禮

部刑部尚書吏部刑部侍郎光祿卿讀冊官舉冊官光

祿丞於其西

光祿丞稍却

執事官位又於其後奉禮郎搏黍

太祝太社太官令位於亞獻之北西向稍却監察御史

位二於大禮使之北東向俱稍却又設協律郎位二一
於殿上磬虞之西北一於宮架西北俱東向押樂太常
丞於登歌樂虞北押樂太常卿位於宮架之北良醞令
於酌尊所俱北向又設文武助祭官宗室位於行事執
事官之南東西相向諸方客使位於殿門之外隨其方
國又設告潔位於殿門之外設大禮使左僕射位於道
西東向行事吏部戶部禮部刑部尚書吏部刑部侍郎
押樂太常卿光祿卿讀冊官舉冊官押樂太常丞光祿

丞奉禮協律郎搏黍太祝太社太官令位於道東西向

北上

押樂太常丞以下位稍却

監察御史位於尚書之右異位稍却

光祿陳禮饌於殿門內在北南后太常設省饌位版於禮饌之南大禮使左僕射在南北向西上監察御史位

二在西東向行事吏部戶部禮部刑部尚書吏部刑部

侍郎押樂太常卿光祿卿讀冊官舉冊官押樂太常丞

光祿丞奉禮協律郎搏黍太祝太社太官令在東西向

北上禮部帥其屬設祝冊案於殿上之西司尊彝帥其

屬設玉幣篚於酌尊所次設籩豆簋簋之位於聖像前
左十有一籩右十有一豆俱為三行俎一在籩前簋一
簋一在籩豆外簋在左簋在右又設尊罍之位著尊二
壺尊二皆有罍加勺罍為酌尊太尊二山尊二犧尊二
象尊二皆有罍加罍設而不酌並在殿上稍南北向西
上又設籩豆簋簋俎各一於饌幔內設御盤匜於阼階
上并供進盤匜帨巾內侍坐並於皇帝版位之後分左
右奉盤者北向奉匜
及執巾者南向又設亞終獻盥洗爵洗於其位之

北盥洗在東 罍洗在西 在東加勺 篚在洗西南肆實以巾若洗

爵之篚則又實以爵 執壘篚者各位于其後朝獻日行事前太常

府卿帥其屬陳幣於篚幣蒼 少府監帥其屬入陳禮神之

玉置於聖像前玉以四圭有邸 光祿卿帥其屬入實 籩豆簋籃

籩三行以右為上第一行形鹽在前梁糗餌次之第二

行榛實在前乾桃乾棗乾棗次之第三行菱在前芡栗

乾柿次之豆三行以左為上第一行芹菹在前筍菹菁

菹葵菹次之第二行篚在前麩筋松脯薑脯次之第三

行飽食在前瓜薑醬次之 太官令帥其屬入實俎籩前之俎實以

餅乳醢令帥其屬入實尊若尊二一實玄酒一實醴齊 皇帝酌之壺尊二一實玄酒

一實益齊亞終獻酌之大尊二一實泛齊一實醴齊山
尊二一實益齊一實醴齊犧尊二一實沈齊一實事酒
象尊二一實昔酒一實清酒並
設而不酌凡罍之實各視其尊

有司設神御殿禮饌及
供奉之物如常儀太常設燭於聖像前又設大禮使以
下行事執事官揖位於殿門外如告潔之位儀鸞司設
神位版幄又設冊幄於殿門外各隨地之宜

省饌

前朝獻一日質明太社令帥其屬掃除宮之內外訖司
尊彝帥執事者以祭器入設於位

凡設祭器皆藉以
席遷豆又設巾蓋

太

府卿少府監入陳玉幣

告潔畢
權徹

少頃禮直官贊者分引

大禮使以下並常服詣殿門外告潔位禮直官贊揖揖

訖贊者引押樂太常卿入行樂架

凡亞終獻行事皆禮
直官太常博士引大

禮使執政官行事皆禮
直官引餘官皆贊者引

次引禮部尚書入升自西階

射

凡行事執事官升降皆自西階內應奉
官并執事應二人各隨應奉階升降

次引左僕

射申眡滌濯執事皆舉冪曰潔俱退復位禮直官稍

前曰告潔畢請就省饌位揖訖引大禮使以下各就位

禮直官贊揖有司省饌具畢禮直官贊省饌畢揖訖俱

還齊所次引禮部尚書詣厨賤濯溉次引刑部尚書詣
厨實鑊水刑部侍郎增沃鑊水協律郎展祀樂器乃還
齊所晡後太社令帥其屬掃除宮之內外學士院以祝
冊授通進司進玉書訖降付尚書禮部

車駕自太慶殿詣景靈宮

朝獻日文武侍祠行事助祭之官宗室

非從
駕者

先詣景靈

宮祠所次禮直官宣贊舍人引禮部侍郎詣大慶殿奏
請中嚴少頃又奏外辦皇帝服履袍詣大慶殿鳴鞭行

門禁衛諸班親從等諸司祇應人員以下各自贊常起居次知客省事以下樞密都承旨以下知內侍省事以下御帶器械官應奉祇應通侍大夫以下武功大夫以下及幹辦庫務文官一班常起居俟皇帝即御座從駕宰執使相以下一班次管軍臣僚並常起居

若得旨免起居更不起

起居皇帝乘輿鳴鞭出行宮北門將至景靈宮御史臺太

常寺閣門分引文武侍祠行事執事助祭之官宗室于

宮櫺星門外立班再拜奏御訖退

已起居者止奏聖躬萬福皇帝乘輿將及

門從駕宰執侍從等繫行事前導者先退各服祭服
皇帝乘輿入櫺星門至大次
降輿以入簾降侍衛如常儀以俟行事

奉玉幣

朝獻日未行事前諸行事及助祭之官各服其服大祝奠冊於案太府卿少府監入陳玉幣光祿卿入實籩豆簋簋太官令入實俎良醞令入實尊壘樂正帥工人二舞以次入與執尊壘篚罝者各就位次御史臺太常寺閤門宣贊舍人分引文武助祭官及宗室客使入就位

次禮直官贊者分引大禮使以下行事執事官詣殿門外揖位立禮直官贊揖訖先引監察御史案視殿之上下糾察不如儀者降階就位次引大禮使以下各入就位次禮儀使樞密院官太常卿閤門官太常博士禮直官分立於大次外左右次引禮部侍郎詣次前奏請中嚴少頃又奏外辦符寶郎奉寶陳於宮架之側隨地之宜禮儀使當次前俛伏跪奏禮儀使臣某言請皇帝行事奏訖俛伏興還侍立

禮儀使奏禮畢准此

簾捲皇帝服袞冕以

出侍衛如常儀禮儀使以下前導至殿門外殿中監跪

進大圭禮儀使奏請執大圭前導皇帝入自正門侍衛不應

入者止於門外協律郎跪俛伏舉麾興工鼓祝宮架乾安之樂

作皇帝升降行止皆奏乾安之樂至阼階下偃麾憂敵樂止凡樂皆協律郎跪俛

伏舉麾興工鼓祝而後作偃麾憂敵而後止升自阼階大禮使從皇帝升降大禮使皆

從登歌樂作左右侍衛之官量人數升降至版位西向立樂止禮儀

使以下分左右侍立凡行禮皆禮儀使樞密院官太常卿閤門官太常博士禮直郎前導

至位分立於左右禮儀使前奏有司謹具請行事宮架作大安

之樂發祥流慶之舞俟樂作三成止先引左僕射吏部尚書侍郎升詣聖祖座前立左僕射吏部尚書俱西向北上吏部侍郎東向樂作六成樂止禮儀使奏請再拜皇帝再拜贊者曰再拜在位官皆再拜內侍取玉幣於篚立於尊所又內侍各執盤匱帨巾以進宮駕樂作禮儀使奏請皇帝搢大圭盥手內侍進盤匱沃水皇帝盥手內侍進巾皇帝悅手訖又奏請皇帝執大圭樂止禮儀使前導登歌靈安之樂作殿中監跪進圭禮儀使奏

請搢大圭執鎮圭前導皇帝詣聖祖座前北向立內侍
先設繅藉於地禮儀使奏請跪奠鎮圭於繅席執大圭
俛伏興又奏請搢大圭跪內侍加玉於幣以授吏部尚
書吏部尚書以授左僕射左僕射西向跪以進禮儀使
奏請授玉幣皇帝受奠訖吏部侍郎東向跪受以興進
奠於聖像前左僕射吏部侍郎權於殿上稍西東向立
吏部尚書降復位禮儀使奏請執大圭俛伏興又奏請
再拜皇帝再拜訖樂止禮儀使奏前導皇帝還版位登

歌樂作至位西向立樂止內侍舉鎮圭繅藉以鎮圭授殿中監以授有司

薦饌

朝獻日太官令以饌實於俎及籩豆簋籩陳於饌幔內

東西相向

俎實以乳餅籩實以粉糝豆實以糝食簋實以梁簋實以黍稷

俟皇帝升奉

玉幣訖還位樂止次引禮部尚書詣饌所執籩豆簋籩

以入戶部尚書詣饌所奉俎以入太官令引入正門宮

架吉安之樂作設於西階下北向北上奉俎者在南次

引禮部尚書搢笏執籩豆簋簋戶部尚書搢笏奉俎以
升執事者各迎於階上禮部尚書奉籩豆簋簋於聖像
前北向跪奠訖執笏俛伏興有司設籩於糗餌前豆於
醬前簋於稻前簋於黍前次戶部尚書奉俎於聖像前
北向跪奠訖執笏俛伏興有司設於豆前樂止俱降復
位次引左僕射吏部侍郎詣聖祖座前立左僕射西向
吏部侍郎東向次引吏部侍郎奉爵升詣皇帝版位前
北向立內侍各執盤匱帨巾以進宮架樂作禮儀使奏

請皇帝搯大圭盥手內侍進盤匱沃水皇帝盥手內侍
進巾皇帝悅手訖又奏請皇帝洗爵吏部侍郎進爵內
侍進巾皇帝拭爵訖樂止又奏請執大圭登歌祖安之
樂作吏部侍郎受爵奉爵詣酌尊所東向立執尊者舉
罍良醞令酌著尊之醴齊禮儀使前導皇帝詣聖祖座
前北向立禮儀使奏請搯大圭跪吏部侍郎以爵授左
僕射左僕射西向跪以進禮儀使奏請執爵進酒再進
酒三進酒俱以爵授吏部侍郎吏部侍郎東向跪受爵

置于聖祖座前禮儀使奏請執大圭俛伏興又奏請皇
帝少立樂止左僕射以下俱復位舉冊官搯笏跪舉祝
冊讀冊官搯笏東向跪讀冊文讀訖奠冊各執笏興俱
降復位禮儀使奏請再拜皇帝再拜訖禮儀使前導皇
帝還版位登歌樂作至版位西向立樂止文舞退武舞
進宮架正安之樂作舞者立定樂止禮直官太常博士
引亞獻詣盥洗位北向立搯笏盥手悅手執笏詣爵洗
位北向立搯笏洗爵拭爵以爵授執事執笏升詣酌尊

所東向立宮架作冲安之樂降真觀德之舞執事者以爵授亞獻亞獻搯笏跪執爵執爵者舉冪太官令酌壺尊之盜齊亞獻以爵授執事者執笏興詣聖祖座前北向搯笏跪執事者以爵授亞獻亞獻執爵三進酒執笏俛伏興少退北向再拜訖樂止降復位初亞獻行禮將畢禮直官太常博士引終獻詣洗及升殿酌獻並如亞獻之儀訖降復位初終獻既升獻戶部禮部尚書升詣殿西東向立次引殿中監太祝太官令詣飲福位東向

立奉豆及爵酒者各立於其後禮儀使奏請詣飲福位
前導皇帝登歌樂作將至位樂止又登歌報安之樂作
皇帝至飲福位北向立尚醞奉御執尊詣酌尊所良醞
令酌上尊福酒合置一尊尚醞奉御酌福酒殿中監西
向奉以立禮儀使奏請再拜殿中監跪以爵酒進禮儀
使奏請措大圭跪受爵祭酒三祭於地啐酒奠爵殿中監
跪受爵以興太官令取黍于簋搏以授太祝太祝受以
豆東向跪以進皇帝受豆奠之太祝乃受以興降復位

次殿中監再跪以爵酒進禮儀使奏請受爵飲福酒奠爵殿中監受虛爵以興以授尚醞奉御執事者俱降復位禮儀使奏請執大圭俛伏興又奏請再拜皇帝再拜樂止禮儀使前導皇帝還版位登歌樂作至版位西向立樂止次引禮部尚書詣聖像前徹籩豆次戶部尚書徹俎籩豆俎各一俱少移故處登歌吉安之樂作卒徹樂止禮部戶部尚書降復位禮直官曰賜福酒行事助祭官拜贊者承傳曰賜福酒再拜在位官皆再拜送神官架太安之

樂作一成止

望燎

太安之樂畢禮儀使奏請詣望燎位前導皇帝詣望燎位登歌樂作降自阼階樂止宮架樂作至位南向立樂止初賜福酒再拜訖吏部侍郎帥太祝執篚進詣聖祖座前取幣祝冊執事官以俎載黍稷飯及爵酒降階置於柴上禮直官曰可燎東西各以炬燎半柴禮儀使奏禮畢前導皇帝還大次宮架樂作出門外禮儀使奏請

釋大圭殿中監跪受大圭以授有司侍衛如常儀皇帝
至大次樂止禮部奏請解嚴次引大禮使以下詣殿門
外揖位立禮直官贊禮畢揖訖退宣贊舍人等分引文
武助祭官及宗室客使以次出次引諸神御殿分獻官
及太祝各人就位太祝在南北向分獻官在東西向

御神

殿獻官太祝俱常服

贊者曰再拜在位官皆再拜太祝升詣香案

之西東向立次引分獻官升詣香案前北向立搢笏三
上香跪執瓊奠茶三奠酒執笏俛伏興少立太祝跪讀

祝文讀訖以興舉版置於案降復位分獻官再拜訖降復位退其後南郊並如儀

四孟朝獻景靈宮儀

齋戒

朝獻前一日皇帝齋於內殿御崇政殿視事如故唯不弔喪問疾作樂有司不奏刑殺文書其行事前導官齋於本司治事如故惟不判書刑殺文書及行刑

陳設

前期有司陳香案及供奉之物於聖祖天尊大帝元天
大聖后并諸帝后位前儀鸞司設御幄於殿東廡西向
設皇帝褥位於殿下東階之東西向及鋪設黃道褥
并逐香案前褥位

內第二日上
詣後殿行禮

朝獻

其日質明皇帝服履袍出內即御座鳴鞭行門禁衛諸
班親從等諸司祇應人員已下於崇政殿各自贊常起
居次從駕臣僚并應奉前導陪位官并管軍於崇政殿

起居如閣門儀訖先退以俟從駕俟皇帝自崇政殿乘輦出行宮北門將至景靈宮侍臣前導及陪位官於景靈宮櫺星門外殿門外迎駕起居再拜訖次有司引陪位官先詣殿下北向立禮直官太常博士太常卿詣御幄前北向立禮直官引侍臣二員升殿詣聖祖天尊大帝香案前東西相對立

諸帝后御前即引侍臣一員於香案前西向立候進接茶

酒畢上於殿上稍東西相對立

陪位文武官入詣殿下北向立定俟皇

帝乘輦入櫺星門於東廊便門步至御幄簾降閣門官

於東幄前相向立閤門報班齊禮直官太常博士引太

常卿於御幄前俛伏跪奏稱太常卿臣某言請皇帝行

朝獻之禮奏訖伏興

奏禮畢
准此

簾捲太常卿閤門官太常

博士禮直官前導皇帝詣殿下褥位西向立

凡行禮皆
太常卿閣

門官太常博士禮直官前
導至位即分立於左右

太常卿奏請拜皇帝再拜贊

者曰拜在位官皆再拜訖前導官前導皇帝升自東階

詣聖祖天尊大帝位香案前褥位北向立內侍奉香太

常卿奏請上香再上香三上香內侍以茶酒授侍臣侍

臣西向跪以進又奏請皇帝跪進茶進酒再進酒三進酒以授侍臣侍臣置於聖祖天尊大帝位又奏請俛伏興又奏請拜皇帝再拜贊者曰拜在位官皆再拜訖前導官前導皇帝降自東階詣殿下褥位西向立奏請拜皇帝再拜贊者曰拜在位官皆再拜訖前導官前導皇帝還御幄簾降太常卿奏禮畢訖行事前導陪位官等先詣中殿立班如前殿儀俟皇帝詣中殿御幄簾降閣門報班齊禮直官太常博士引太常卿於御幄前俛伏

跪奏稱太常卿臣某言請皇帝行朝獻之禮奏訖伏興

奏禮畢

准此 簾捲太常卿閣門官太常博士禮直官前導皇

帝詣殿下褥位西向立太常卿奏請拜皇帝再拜贊者

曰拜在位官皆再拜前導官前導皇帝升殿詣宣祖皇

帝位香案前褥位北向立內侍奉香太常卿奏請上香

再上香三上香內侍以茶酒授侍臣侍臣西向跪以進

又奏請皇帝跪一奠茶奠酒再奠酒三奠酒俛伏興又

奏請拜皇帝再拜贊者曰拜在位官皆再拜訖次詣太

祖皇帝太宗皇帝真宗皇帝仁宗皇帝英宗皇帝神宗
皇帝哲宗皇帝徽宗皇帝欽宗皇帝御神案前行禮
並如上儀訖前導官前導皇帝降自東階殿下褥位西
向立奏請拜皇帝再拜贊者曰拜在位官皆再拜訖前
導官前導皇帝還御幄簾降太常卿奏禮畢訖陪位行
事前導應奉官以次退皇帝歸齋殿以俟還內如來儀
次日皇帝自內乘輦入櫺星門將至宮門就露幄降輦
步至齋殿由後殿之後至後殿東廊御幄以俟詣元天

大聖后次詣昭憲皇后孝明皇后懿德皇后明德皇后
元德皇后章穆皇后章憲明肅皇后章懿皇后慈聖光
獻皇后宣仁聖烈皇后欽聖憲肅皇后欽成皇后欽慈
皇后昭慈聖獻皇后昭懷皇后顯恭皇后顯肅皇后神
御香案前行禮並如前殿中殿之儀

第一日

其日質明皇帝服靴袍出內即御座鳴鞭行門禁衛諸
班親從等諸司祇應人員以下於後殿各自贊起居次

從駕臣僚并應奉前導陪位官等先詣中殿立班如前
殿儀俟皇帝詣中殿御幄簾降閣門報班齊禮直官太
常博士引太常卿於御幄前俛伏跪奏稱太常卿臣某
言請皇帝行恭謝之禮奏訖伏興

奏禮畢
准此

簾捲太常卿

閣門官太常博士禮直官前導皇帝升詣殿上褥位西
向立太常卿奏請拜皇帝再拜贊者曰拜在位官皆再
拜訖前導官前導皇帝詣宣祖皇帝位香案前褥位北
向立內侍奉香太常卿奏請上香再上香三上香內侍

以茶酒授侍臣侍臣西向跪以進又奏請皇帝跪奠茶酒再奠酒三奠酒俛伏興又奏請拜皇帝再拜贊者曰拜在位官皆再拜訖次詣太祖皇帝太宗皇帝真宗皇帝仁宗皇帝英宗皇帝神宗皇帝哲宗皇帝徽宗皇帝欽宗皇帝神御香案前行禮並如上儀訖前導官前導皇帝還褥位西向立奏請拜皇帝再拜贊者曰拜在位官皆再拜訖前導官前導皇帝還御幄簾降太常卿奏禮畢訖陪位行事前導應奉官以次退帝歸齊殿以俟

還內

依已降指揮駕
回入祥曦殿門

第二日

淳熙九年恭謝分作三日行禮內第二日
詣後殿元天大聖后并昭憲皇后至慈聖

光獻皇后第三日詣後殿
宣仁聖烈皇后以下神御

皇帝自內乘輦入櫺星門至齋殿降輦步至後殿東廡
御幄以俟詣元天大聖后次詣昭憲皇后孝明皇后懿
德皇后明德皇后元德皇后章穆皇后章獻明肅皇后
慈聖光憲皇后宣仁聖烈皇后欽聖憲肅皇后欽成皇
后欽慈皇后昭慈聖獻皇后昭懷皇后顯恭皇后顯肅

皇后顯仁皇后神御香案前行禮並如前殿中殿之儀
宋史樂志真宗奉聖祖玉清昭應宮御製十一首

降聖真安 巍巍真宇奕奕殊庭規模大紫炳煥丹

青元命祇答大猷是經多儀有踐丕應無形肆設金
石聲聞杳冥佇迴飈馭永祐基扃

奉香靈安 芳氣上泱飈馭下臨昭承丕緒永勵精
明氤氲成霧蔥鬱垂陰虔恭對越介祉攸欽

奉饌吉安 發祥有自介福無疆紛綸丕應保祐下

方嘉薦斯備雅奏具揚寅威洞達監盼昭章

玉皇位酌獻慶安 無體之體強名之名監觀萬寓

繞治九清真期保佑瑞命昭明乾乾翼翼祇答財成

聖祖位酌獻慶安 於昭靈貺誕啟鴻源功濟庶彙

慶流後昆蘭肴登俎桂酒盈樽俯迴飈駕永庇雲孫

太祖位酌獻慶安 赫赫藝祖受命高穹威加海外

化浹區中發祥宗拓錫祐眇冲欽成積德勵翼精衷

太宗位酌獻慶安 明明文考儲精上蒼禮樂明備

溥率賓王功德累洽歷數會昌孝思罔極丕祐無疆
亞終獻冲安 太初非有體至道本無聲降迹臨下
土成功陟上清至仁敦動植丕緒啟宗祊紫禁承來
格鴻基保永寧發祥垂誕告致孝薦崇名廣樂伸欽
奉儲休固太平

飲福慶安 明明始祖誕啟慶基翼翼後嗣虔奉孝
思精潔斯達祉福咸宜予以報貺予以受釐

徹饌吉安 雕俎在御飈駕聞聲真遊斯降旨酒斯

盈大樂云闕大禮云成徹彼常薦罄此明誠

送神真安 精心既達真遊允臻禮容斯舉福應惟

醇將整僊馭言還上旻永存嘉貺用泰蒸民

迎奉聖像四首

並用
慶安

玉皇位 玉虛上帝金像睟容宅真雲構練日龜從

維皇對越率禮寅恭靈心丕應福祿來崇

聖祖位 總化在天保昌厥緒降格皇闈瓊輪載御

藻仗星陳睟容金鑄佑我慶基宅茲靈宇

太祖位 烝哉大君聿懷帝祖鎔範真儀奉尊靈宇
至感祥開洪輝物覩瞻謁盡恭飛英率土

太宗位 於顯神宗德洽區中祥金爍冶範茲粹容
殊庭宵宇備物致恭明威有赫降福來同

玉清昭應宮上尊號三首

奉告隆安 登隆妙號欽翼淵宗茂宣德禮有恪其
容奉璋升薦垂佩彌恭揚休詠美以間笙鏞

太初殿奉冊寶登安 皇靈垂祐洪福彌隆祇率綿

寓潔祀真容嚴恭奉冊對越清躬睟容肅穆懿號尊
崇禮成樂舉福祿來同

二聖殿奉紗袍登安 赫赫列聖盛德巍然彤彤靈
宇睟儀在焉奉以龍衮被之象天重慶宗稷億萬斯
年

太尉奉聖號冊寶真安 上旻降監介祉實繁邦家
修報妙道歸尊增名宵極奉冊靈軒茂宣聖典永祐
黎元

寶冊升殿大安 圖書昭錫典禮紹成烝民何幸教

父儲靈欽承景貺祇奉崇名致虔寶冊垂祐基局

降神真安 猶龍之聖降生厲鄉教流清淨道符混

茫大君肅謁盛儀允臧森羅羽衛躬薦蕭鄉簪紱濟
濟鐘石洋洋高真至止介福誕祥

奉玉幣靈安 琳宮奕奕黼坐煌煌玉帛成禮颺馭

延祥鴻儀有則景福無疆嘉應昭協丕猶誕揚

奉饌吉安 金奏以諧颺遊斯格靈監章明皇心勵

翼肅奉雕俎來升綵席享德有孚凝禧無斃

酌獻大安 欽崇至道肅謁殊庭順風而拜明德唯
馨飈馭來格尊酒斯盈是酌是獻心通杳冥

飲福大安 彼渦之壤捐李之區千乘萬騎來朝密
都躬陳芳薦款接仙輿飲酒受福永耀鴻圖

亞終獻正安 邈矣道祖冥幾惚恍常德不離至真
無象引位清穹降祥神壤酌醴薦誠控飈來享

送神真安 醴醖在戶金奏在庭籩豆有踐黍稷非

馨義盡蠲潔誠通杳冥言旋風駟祚我修齡

太極觀奉冊寶一首

登安之曲 薦號穹冥登名祖禰陟配陽郊協宣典
禮感電靈區誕聖鴻懿冊寶斯陳福祿來暨

景靈宮奉冊寶一首

登安之曲 穆穆真宗錫羨蕃昌颺輪臨貺諄誨洞
彰慶崇懿號祗答景祥至誠致享降福無疆

景祐元年親享景靈宮二首

降真太安 真館奉幣潔齊致馨靈因斯格社稷慶
寧

送真太安 椒漿尊享珍饌精祈晬容杳邈瑤輅霞
飛

大觀三年朝獻景靈宮二首

奉饌吉安 威靈洋洋靡有常饗於惟欽承來假來
饗博碩芬香是烝是享奉器有虔載德無爽 爾牲
既充是烹是肆爾肴既具是羞是饋非物之重唯德

之備神之格思歆我精意

高宗郊前朝獻景靈宮二十一首

皇帝入門乾安 維皇齊居承神其初顯顯昂昂龍

步雲趨景鐘鏗如肅覲清都肸蠁之交神人用孚

升殿乾安 帝既臨享罄茲精意對越在天爰升紫

陛孔容翼翼保承丕緒孝奏天儀永錫爾類

降聖太安 惟德馨香升聞八方粵神臨之來從帝

鄉萬靈景衛有燧其光監我精神降神穰穰

盥洗乾安 齊居皇皇瓊琚鏘鏘承祭之初其如在
旁挹彼注茲儲禧迎祥神之聽之欣欣樂康

聖祖位乾安 涓選休辰有事嘉薦琅琅瓊佩陟降
巖殿其陟伊何幣玉斯奠周旋中禮千億儲羨

聖祖位奉玉幣臨安 上靈始祖雲景元尊巖祀夙
展六樂朱軒明玉之潔豐帛之溫暢乃繼序承德不
愆

還位乾安 我后臨享奠幣攸畢式旋其趨榘度其

式禮容齊莊孝思純實天休滋至時萬時億

奉饌吉安 百職駿奔來相於庭奉聖以告登茲芳

馨際天蟠地默運二靈神兮來歆祚我休平

再盥洗乾安 有嚴大禮對時休明情文則祭蠲潔

必清再臨觀盥以專以精真游來格永觀厥成

再詣聖祖位乾安 於赫炎宋十葉華耀屬茲郊報

陟降在廟其降伊何椒漿桂酒再拜斟酌永御九有

聖祖位酌獻祖安

御製

瑤源誕啟玉牒肇榮覆育群

言監觀圓清酒醴既洽登薦惟誠無有後艱駁惠雲
仍

還位乾安 奠鬯告成式旋厥位天步雍容神人燕
喜九廟觀德百靈薦祉子孫其昌垂千萬祀

文舞退武舞進正安 於皇樂舞進旅退旅一弛一
張笙磬具舉豈惟翫聲象德是似神鑿孔昭福祿來
予

亞終獻冲安 五音飭奏神既億康澹其容與薦此

嘉觴有來顯相銷玉鏘鏘奉承若宥罔不齊莊

飲福報安 嘉薦既終神貺斯復賚我思成靈光下

燭孝孫承之載祗載肅敷錫庶民函蒙祉福

還位乾安 帝臨闕庭逆釐上靈神鵝安坐肅若有

承嘉觴既申德聞唯馨靈光留俞祚我億齡

徹饌吉安 普淖既薦苾芬孔時神嗜而顧有來燕

娛饗矣將徹載欽載祗展詩以侑益臻厥熙

送真太安 雍歌既徹熙事備成神夕奄虞忽乘青

冥靈心回睽監我精禋誕降嘉祉休德昭清

降殿乾安 我秩元祀上推靈源展事有恤侵威肅

然丹城既降秉心益虔荷天之休于千萬年

望燎乾安 奕奕靈宮有嚴絜祀燔燎具揚禮儀既

備帝心肅祇天步旋止對越在天永膺蕃祉

還大次乾安 帝將於郊昭事上祀爰茲畢觴復即

于此飈游載旋容旌杳騎唯皇嘉承錫祚昌熾

高宗明堂前朝獻景靈宮十首

降聖大安 德唯馨香升聞八方粵神之從燦然有
光驂飛乘蒼啾啾蹌蹌消搖從容顧予不忘

升殿乾安 帝既臨享龍馭華耀孝孫承之陟降在
廟誠意上交慶陰下冒天休駢至千億克紹

聖祖位奠玉幣靈安 玉氣如虹豐繒充筭既奉既
將亦奠在位有永羣后實相祀事何以臨下心意不
貳

奉饌吉安 瓊琚鏘鏘元衣繡裳薦嘉升香染盛芬

芳禮儀莫愆鼓鐘煌煌曾孫之常綏福無疆

聖祖位酌獻祖安 裴回若留靈其有喜薦我馨香

挹茲酒醴我祖在天執道之紀申佑無疆奏神稱禮

文舞退武舞進正安 進旅退旅載執干戚不愆於

儀容服有赫式妥式侑神保是格靈鑒孔昭孝思惟

則

亞終獻冲安

用舊
辭

飲福報安 於赫大神總司元化監我純精威光來

下延昌之貶千億憑藉曾孫保之丕平是迓

徹饌吉安 洋洋降臨肅肅布列熙事既成嘉籩告

徹九天儲慶垂佑無缺寔明寔昌綿綿瓜瓞

送真太安 高飛安翔持御陰陽幽贊圓穹監觀四

方元精回復奄虞孔良畢觴降嘏偃蹇于驤

望燎乾安 奕奕原祠有嚴蒞祀禮儀孔宣燔燎斯

暨帝心肅祇天步旋止熙事既成永膺蕃祉

孝宗明堂前朝獻景靈宮八首

盥洗乾安 合宮之享報本奉先欽惟道祖濬發璿

源駕言謁欸其盥惟虔尚監精衷錫祚綿綿

聖祖乾安 駿命有開慶基無窮祗率百辟仰瞻睟

容鼓鐘斯和黍稷斯豐靈其居歆福祿來崇

還位乾安 嘉玉既設量幣既陳髣髴靈游來顧來

寧對越伊何厥惟一純佑缺我熙事迄以成

奉饌吉安 發祥僊源流澤萬世曷其報之親饗三

歲相維列卿潔粢是饋匪物之尚誠之為至

再詣盥洗乾安

華燈熒煌瑞烟氤氳威神如在蠲

潔必親再盥於壘再悅於中皇心肅祇其敢憚勤

再詣聖祖位乾安

歲逢有年月旅無射我將我饗

如幾如式肅爾臣工諧爾金石本原休功垂裕罔極

還位乾安

旨酒思柔神其醉止工祝既告孝孫旋

位何以酢之純嘏來備燕及雲來蕃衍無已

文舞退武舞進正安

象德之成有奕其舞一弛一

張進旅退旅嘒以管簫和以鏞鼓神其樂康永錫多

祐

寧宗郊前朝獻景靈宮二十四首

皇帝入門乾安 闕幄邃深雲景杳冥天清日睟展

容玉庭締基發祥希夷降靈神其來燕是饗是聽

升殿乾安 帝居瑤圖璇題玉京日月經振列宿上

榮桂簋飶芬瑚器華晶蚺承禋祀用戒昭明

降神太安六變圜鐘為宮 四靈晨耀五緯夕明風

雲晏和天地粹清靈兮來迎靈兮來迎啟我子孫饗

于純精

黃鐘為角 芬枝揚烈燭珠叶陶闔珍闈符展詩舞
箭神哉來下神哉來翺肅若有承靈心招搖

太簇為徵 龍車既奏鳳馭載翔帝幄佇靈天衢騰
芳神來留俞神來蹇驥禮壘樂明奏假孔將

姑洗為羽 虹旌蜺旒鸞旗翠蓋星樞扶輪月御叶
衛靈至陰陰靈般裔裔來格來饗福流萬世

盥洗乾安 禮文有俶祀事孔明將以潔告允唯齊

精自盥而往聿觀厥成靈監下臨天德其清

詣聖祖位乾安 維宋肖德欽天顧右於皇道祖丕

釐靈祐葛藟殖繁瓜瓞孕茂克昌厥後世世孝奏

聖祖位奉玉幣靈安

高宗御
製見前

皇帝還位乾安 桂宮眈眈藻儀穆穆天回袞彩風

韶璜玉咸英皦亮容與炳煜假我上靈景命有僕

奉饌吉安 我簋斯盈我簠斯實或剝或烹或燔或

炙有殽既將為俎孔碩禮儀卒度永錫爾極

再盥洗乾安 觴澹初勺禮戒重盥假廟以萃取象
于觀清明外暢精肅中貫我儀圖之三靈攸贊

再詣聖祖位乾安 肇基駿命鞏石鴻業鼎玉龜符

垂固萬葉靈貺具臻神光熒熒暉祚無疆規重矩疊

聖祖位酌獻祖安

高宗御
製見前

還位乾安 皇帝瑞慶長發其祥纂系悠遠溯源靈
長德之克明休烈有光配天作極孝享是將

文舞退武舞進正安 持翟成象秉朱就列旒乘整

溢鳳儀諧節揮舒皇文歌蹈先烈合好効懽福流有
截

亞獻冲安 光煥紫幄神流玉房秉文侑儀嘉虞貳
觴震澹醉喜彷彿迪嘗璇源之休地久天長

終獻冲安 靈輿蹇驪畢觴泰筵貳享允穆裸將克
竣垂恩儲祉錫羨永年將以慶成燕及皇天

詣飲福位乾安 若木露英清雲流霞蔓蔓芝秀馮
馮桂華綿瑞無疆產嘏孔奢皇則受之輩我帝家

飲福酒報安

旨酒惟蘭勺漿惟椒福流瓚華光燭

琨瑤拜貺清宮凝輝慶霄神其如在徘徊招搖

還位乾安

烝哉我皇繼天毓聖逆釐元都對越靈

慶如天斯久如日斯盛瑤圖濬邈永隆駿命

徹饌吉安

房鉶陳列室簋登奉告享具歆展徹惟

拱祥光奕奕嘉氣懔懔受嘏不訐燕天之寵

送真太安

雲車風馬靈其來游天門軼蕩神其莫

留遺慶陰陰祉發祥流康我有宋與天匹休

降殿乾安 璇庭爛景紫殿流光禮洽乾回福應日

昌聖系彪鴻景命溥將德茂功成率祀無疆

詣望燎位乾安 厥初生民淵濬唯祖芳薦既輟明

燎具舉德馨升聞靈眈蕃詡懷濡上禋佑周之祐

還大次乾安 帝假於宮彞承清祀天暉臨幄宸衛

森峙行繇太室旋趨紫時率禮不違式粵靈祉


理宗明堂前朝獻景靈宮二首

餘用
舊辭

升殿登歌乾安 我享我將罄茲精意陟降左右維

天與契齊明乃心祇肅在位於萬斯年百福來備
亞獻宮架冲安慶雲郁郁鳴璆琅琅澹其容與申
薦貳觴奉承若宥神其樂康錫以多祉源深流長

右宋廟享下



五禮通考卷九十三

欽定四庫全書

經部

五禮通考卷九十四

詳校官侍郎臣劉躍雲

給事中臣溫常綬覆勘

總校官進士臣繆琪

校對官庶吉士臣嚴福

謄錄監生臣劉文耀

欽定四庫全書

五禮通考卷九十四

刑部尚書秦蕙田撰

吉禮九十四

宗廟時享

遼史太宗本紀天顯元年冬十一月壬戌即皇帝位癸亥謁太祖廟

禮志謁廟儀至日昧爽南北臣僚各具朝服赴廟車駕

至臣僚於門外依位序立望駕鞠躬班首不出班奏聖躬萬福舍人贊各祇候畢皇帝降車分引南北臣僚左右入至丹墀褥位合班定皇帝升露臺褥位宣徽贊皇帝再拜殿上下臣僚陪位皆再拜上香畢退復位再拜分引臣僚左右上殿位立進御容酒依常禮若即退再拜舍人贊好去引退禮畢太宗本紀天顯三年七月庚午有事于太廟十月己酉謁太祖廟 四年四月壬子謁太祖廟八月辛丑至自涼陁謁太祖廟己酉謁太祖廟 五年四月乙未詔人

皇王先赴祖陵謁太廟五月乙酉謁太廟丁巳拜太祖
御容於明殿七月戊子薦時果于太祖廟九月丁亥至
自九層臺謁太祖廟 十一年四月戊辰謁太祖廟

穆宗本紀應歷五年十月丁亥謁太宗廟十二月乙丑
朔謁太祖廟

景宗本紀保寧十年七月庚戌享太祖廟

聖宗本紀統和元年四月庚寅謁太祖廟壬寅致享于
凝神殿九月庚申謁宣簡皇帝廟 四年十一月戊寅

日南至上率羣臣祭酒景宗御容

太平元年十一月庚申幸通天觀翌日再幸還升玉輅
自內三門入萬壽殿奠酒七廟御容

道宗本紀清寧元年十一月壬申有事于太宗穆宗廟
戊寅冬至有事于太祖景宗興宗廟不受羣臣賀 三
年十月庚申謁讓國皇帝及世宗廟

太康七年六月甲子詔月祭觀德殿歲寒食諸帝在時
生辰及忌日詣景宗御容殿致奠

天祚帝本紀天慶二年十一月丁卯謁太祖廟

蕙田案遼諸帝于宗廟有新必薦有事必告
有祭必親奉先思孝于是在矣又令羣臣勿
賀何其卓也較之宋朝之煩穢瀆數奚啻逕
庭禮制所係于興衰鉅矣

右遼廟享

金史熙宗本紀天眷元年四月壬午朝享于天元殿十
一月丙辰以康宗以上畫像工畢奠獻于天元殿

天眷三年九月己酉親饗太祖廟

皇統元年正月庚戌羣臣上尊號癸丑謝太廟

海陵本紀正隆二年二月辛丑初定太廟時享牲牢禮儀

世宗本紀大定三年十月甲子大享于太廟

禮志大定三年有司言每歲太廟五享若復薦新似涉繁數擬遇時享之月以所薦物附于籩豆薦之以合古者祭不欲數之義制可

世宗本紀大定六年三月戊辰至西京庚午朝謁太祖廟九月至自西京十月甲申朝享于太廟

禮志皇帝恭謝儀大定七年正月世宗受尊號禮畢恭謝前三日太廟令率其屬灑掃廟庭之內外及陳設尚舍于廟南門之西設饌幔一十一室殿中監帥尚舍視大次殿又設皇帝拜位于始祖神位前北向又設飲福位于版位西南少卻又設隨室奠拜褥位于神座前大樂令設登歌于殿上宮縣于殿下又設皇太子位于阼

階東南又設親王位于其南稍東宗室王使相位于其後又設太尉司徒以下行事官位于殿西階之西東向每等異位又設文武羣官位于橫階之南東西向又設御洗位于阼階之東又設太尉洗位于阼階下橫階之南又設齋郎位于東班羣官之後又設盥洗等官并奉禮贊者大司樂協律郎大樂令等位各如祫享之儀又設尊彝祭器等於殿之上下如時享之儀前一日禮官御史帥其屬省牲視濯滌如常儀其日質明禮官御史

帥太廟官太祝官宮闈令出神主如時享儀有司列黃
麾仗二千人於應天門外尚輦進金輅于應天門內午
後三刻宣徽院奏請皇帝赴齋宿殿文武羣官並齋宿
于所司次日質明俟諸衛各勒所部屯門列仗導駕官
分左右侍立于殿階下並朝服通事舍人引侍中詣齋
殿俛伏跪稱臣某言請中嚴俛伏興凡侍中奏請准此
皇帝服通天冠絳紗袍少頃侍中奏外辦皇帝出齋殿
即御座羣官起居訖侍中奏請升輦皇帝升輦以出侍

衛警蹕如常儀導駕官前導至應天門侍中奏請降輦
升輅皇帝升輅門下侍郎俛伏跪奏請車駕進發俛伏
興凡門下侍郎奏請准此車駕動警蹕如常儀至應天
門外門下侍郎奏請車駕少駐敕侍臣上馬侍中前承
旨退稱曰制可門下侍郎退傳制稱侍臣上馬通事舍
人承傳敕侍臣上馬導駕官分左右前導門下侍郎奏
請車駕進發車駕動稱警蹕不鳴鼓吹典贊儀引皇太
子常服乘馬至廟中幕次更服遠遊冠朱明衣執圭通

事舍人文武羣官並朝服于廟門外班迎車駕至廟門
侍中于輅前奏請降輅導駕官步入廟門稍東侍中奏
請升輦皇帝升輦繖扇侍衛如常儀至大次侍中奏請
降輦入就大次皇帝入大次通事舍人分引文武羣官
由南神東西偏門入廟庭東西相向立禮直官引太尉
以下行事官詣橫街北向再拜訖禮直官引太尉詣盥
洗位搯笏盥手悅手執笏詣爵位洗北向立搯笏洗瓚
拭瓚以瓚授執事者執笏由西階升殿詣始祖尊彝所

西向立執事者以瓚奉太尉太尉搢笏執瓚酌鬯詣神位前以鬯裸地訖以虛瓚授執事者執笏俛伏興出戶外北向再拜訖次詣隨室並如上儀禮畢降自西階復位禮直官引司徒出詣饌所引薦俎齋郎奉俎并薦籩豆簋簋官奉籩豆簋簋及太官令以序入自正門宮懸樂作至太階樂止諸太祝迎于階上各設于神座前薦牛次薦羊次薦豕訖禮直官引司徒以下降階復位典贊儀引皇太子通事舍人引親王由南神東偏門入

詣褥位禮直官引中書侍郎舉冊官等升自西階詣始祖室前東西立通事舍人引侍中詣大次前奏請中嚴皇帝服袞冕少頃侍中奏外辦侍中詣廟庭本位立皇帝將出大次禮儀使與太常卿贊導凡禮儀使與太常卿贊導並博士前引俛伏跪稱臣某贊導皇帝行禮俛伏興前導至東神門撤繖扇近侍者從入殿中監跪進鎮圭禮儀使奏請執圭皇帝執圭宮縣樂作奏請詣壘洗位至位樂止內侍跪取匱興沃水又內侍跪取槃承

水時寒預備溫水禮儀使奏請搢鎮圭皇帝搢鎮圭盥
手內侍跪取巾於篚興進皇帝洗手訖奉爵官以爵跪
進皇帝受爵內侍捧匱沃水又內侍跪捧槃承水皇帝
洗爵訖內侍跪奉巾以進皇帝拭爵訖內侍奠槃匱又
奠巾於篚奉爵官受爵禮儀使奏請執鎮圭前導皇帝
升殿左右侍從量人數升宮縣樂作皇帝止阼階下樂
止皇帝升自阼階登歌樂作禮儀使前導皇帝至版位
樂止奏請再拜奉禮郎贊皇太子以下在位羣臣皆再

拜贊者承傳皆再拜禮儀使前導皇帝詣始祖尊彝所
樂作至尊所樂止奉爵官以爵泣尊執尊者舉冪侍中
跪酌犧尊之汎齊訖禮儀使導皇帝至版位再拜訖禮
儀使奏請詣始祖神位前褥位登歌樂作禮儀使奏請
搢圭跪奉爵官以爵授奉爵酒官以進禮儀使奏請執
爵皇帝執爵三奠酒訖以虛爵授奉爵酒官禮儀使奏
請執圭俛伏興樂止奉爵酒官以爵授奉爵官禮儀使
奏請詣隨室並如上儀禮直官先引司徒升自西階立

于飲福位之側酌獻將畢奉酢酌福酒太祝從司徒立
于其側酌獻畢侍中亦立于其側禮儀使奏請皇帝詣
版位北向立登歌樂作至位樂止中書侍郎跪讀冊訖
舉冊官奠訖禮儀使奏請皇帝再拜拜訖禮儀使奏請
詣飲福位登歌樂作至位太祝酌福酒于爵時寒預備
溫酒以奉侍中侍中受爵奉以立禮儀使奏請搢圭跪
侍中以爵北向跪以進禮儀使奏請執爵三祭酒禮儀
使奏請飲福飲福訖以虛爵授侍中禮儀使奏請受酢

司徒跪以黍稷飭籩進皇帝受以授左右司徒又跪以
胙肉進皇帝受以授左右禮儀使請執圭興再拜訖樂
止禮儀使前導皇帝還版位登歌樂作至位樂止太祝
各進徹籩豆登歌樂作卒徹樂止奉禮曰賜胙贊皇太
子以下在位羣官皆再拜贊者承傳皆再拜宮縣作一
成止禮儀使奏請皇帝再拜奉禮郎贊皇太子已下在
位官皆再拜拜訖禮儀使奏禮畢前導皇帝降阼階登
歌樂作至階下樂止宮縣作前導皇帝出東神門樂止

繖扇侍衛如常儀禮儀使奏請釋主殿中監跪受鎮圭
至大次轉仗衛于還途如來儀禮官御史帥其屬納神
主藏冊如儀少頃通事舍人引侍中奏請中嚴皇帝服
通天冠絳紗袍少頃侍中奏外辦俟尚輦進輦侍中奏
請降座升輦皇帝升輦繖扇侍衛如常儀至南神門稍
東侍中奏請降輦步出廟門皇帝步出廟門至輅侍中
奏請升輅皇帝升輅門下侍郎奏請車駕少駐敕侍臣
上馬侍臣前承旨退稱曰制可門下侍郎退傳制稱侍

臣上馬通事舍人承傳勅侍臣上馬車駕還內鼓吹振
作至應天門外百官班迎起居宮縣奏采芡之曲入應
天門內侍中奏請降輅乘輦皇帝降輅乘輦以入繖扇
侍衛警蹕如常儀皇帝入宮至致齋殿侍中奏解嚴通
事舍人承旨勅羣臣各還次將士各還本所

世宗本紀大定九年十月辛丑詔宗廟之祭以鹿代牛
著為令丙午大享於太廟

禮志大定十年正月詔宰臣曰古禮殺牛以祭後世有

更者否其檢討典故以聞有司謂自周以來下逮唐宋
禘享無不用牛者唐開元禮時享每食各用太牢一至
天寶六年始減牛數太廟每享用一犢宋政和五禮新
儀時享太廟親祠用牛有司行事則不用宋開寶二年
詔昊天上帝皇地祇用犢餘大祀皆以羊豕代之合二
羊五豕足代一犢今三年一禘乃為親祀其禮至重每
室一犢恐難省減遂命時享與祭社稷如舊若親祀宗
廟則共用一犢有司行事則不用

世宗本紀大定十一年十一月丙戌朝享于太廟

禮志大定十一年尚書省奏案唐禮四時各以孟月享于太廟年終又臘享凡五祀若依海陵時止兩享非天子禮也宜從典禮歲五享從之享日並出神主前廊序列昭穆應圖功臣配享廟庭各配所事之廟以位次爲序以太子爲亞獻親王爲終獻或並用親王或以太尉爲亞獻光祿卿爲終獻其月則停時享

朝享儀 享前三日太廟令帥其屬掃除廟之內外點

檢司於廟之前約度設兵衛旗幟尚舍於南神門之西
設饌幔十一南向以西為上殿中監帥尚舍陳設大次
於殿又設小次於阼階下稍南西向又設皇帝拜褥位
殿上版位稍西又設黃道褥于廟門之內外自玉輅至
升輦之所又自大次至東神門又設七祀位一于殿下
橫街之北西街之西東向配享功臣位于殿下道東橫街
之南西向北上前二日大樂令設宮縣之樂于庭中西
方各設編鐘三編磬三東方編鐘起北編磬間之東向

西方編磬起北編鐘間之西向南方編磬起西編鐘間
之北方編鐘起西編磬間之俱北向設特磬大鐘罇鐘
共十二於編縣之內各依神位樹路鼓路鼗於北縣之
內道之左右晉鼓一在其後稍南植建鼓鞀鼓應鼓于
四隅建鼓在中鞀鼓在左應鼓在右置祝敔于縣內祝
一在道東敔一在道西立舞表于鄮綴之間設登歌之
樂于殿上前楹間金鐘一在東玉磬一在西俱北向祝
一在金鐘北稍西敔一在玉磬北稍東搏拊二一在祝

北一在啟北東西相向琴瑟在前其匏竹者立于階間
重行北向諸工人各位於縣後前一日太廟令開室奉
禮郎帥其屬設神位於每室內北墉下各設芥辰一莞
席一繖席二次席二紫綾厚褥一紫綾蒙褥一曲几一
直几一又設皇帝版位于殿東間門內西向又設飲福
位于東序西向又設亞終獻位于殿下橫街之北稍東
西向助祭親王宗室使相位在亞終獻之後助祭宗室
位在橫街之南西向奉瓚官奉瓚盤官進爵酒官奉爵

官等又在其南奉匱盤巾篚官位于其後七祀獻官位在奉爵官之南助奠讀祝奉壘洗爵洗等官位于其後司尊彘官位在七祀獻官之南亞終獻司壘洗爵洗奉爵酒官等又在其南並西向北上大禮使位于西階之西稍南與亞終獻相對大尉司徒助祭宰相位在大禮使之南侍中執政官又在其南禮部尚書太常卿太僕卿光祿卿功臣獻官在西舉冊光祿丞太常博士又在其西功臣助奠壘洗爵洗等官位于功臣獻官之後又

設監察御史位二于西階下俱東向北上奉禮郎太廟
令太官令太祝宮闈令祝史位于亞獻終獻奉爵酒官
之南薦籩豆簋簠官薦俎齊郎又在太祝奉禮郎之南
太廟丞大官丞俱位于令後協律郎位二一在殿上前
楹間一于宮縣之西北俱東向大樂令于登歌樂縣之
北大司樂于宮縣之北良醞令于酌尊所俱北向又設
助祭文武羣官位于橫街之南東向北上又設光祿卿
陳牲位于東神門外橫街之東西向以南為上設廩犧

令位于牲西南北向諸太祝位于牲東各當牲後祝史各陪其後俱西向設禮部尚書省牲位于牲前稍北又設御史位于禮部尚書之西俱西向禮部帥其屬設祝冊案于室戶外之右司尊彝帥其屬設尊彝之位于室戶之左每位筭彝一黃彝一犧尊二象尊二著尊二山壘二各加勺簋坫為酌尊又設瓚盤爵坫于篚置于始祖尊彝所又設壺尊二太尊二山壘四各有坫冪在殿下階間北向西上設而不酌七祀功臣每位設壺尊二

于座之左皆加冪坫于內酌尊加勺皆藉以席奉禮郎設祭器每位四簋在前四簋次之次以六甗次以六鉶邊豆爲後左十有二邊右十有二豆皆濯而陳之藉以席邊豆加以巾蓋于內邊一豆一簋一簋一并俎四設于每室饌幔內又設御洗二于東階之東又設亞終獻罍洗于東橫街下東南北向罍在洗東篚在洗西南肆實以巾又設亞終獻爵洗于罍洗之西罍在洗東篚在洗西南肆實以巾爵并坫執巾罍巾篚各位于其後享

日丑前五刻太常卿帥執事者設燭于神位前及戶外
光祿卿帥其屬入實籩豆籩之實魚鱸糗餌饗乾棗形
鹽鹿脯榛實乾榛桃菱芡粟以序為次豆之實芹菹笋
菹葵菹菁菹韭菹醢食魚醢兔醢豚拍鹿醢醢醢糝食
以序為次又釧實以羹加芼滑登實以太羹簋實以稻
梁簋實以黍稷梁在稻前稷在黍前良醢令入實尊彝
尊彝黃彝實以鬱鬯犧尊象尊著尊實以元酒外皆實
以酒各加坩勺罍殿下之尊罍壺尊太尊山罍內除山

壘上尊實以元酒外皆實以酒加冪坵太廟令帥其屬
設七祀功臣席褥于其次每位各設莞席一碧鋪褥一
又各設版位于其座前又邊豆簋簠各二俎一每位次
各設壺尊二于神座之右北向元酒在西良醞令以法
酒實尊如常加勺冪置爵于尊下加坵光祿卿實饌左
二邊粟在前鹿脯次之右二豆菁菹在前鹿藿次之俎
實以羊熟簋簠實以黍稷太廟令又設七祀燎柴及開
瘞坎于西神門外之北太府監陳異寶嘉瑞伐國之寶

戶部陳諸州歲貢金為前列玉帛次之餘為後皆于宮
縣之北東西相向各籍以席凡祀神之物當時所無者
則以時物代之 前一日未後廟所禁行人司彝尊奉
禮郎及執事者升自西階以俟少頃諸太祝與廩犧令
以牲就位禮直官贊者引禮部尚書光祿卿丞詣省牲
位立定禮直官引禮部尚書贊引者引御史入就西階
升徧視滌濯訖執事者皆舉冪曰潔俱降就省牲位禮
直官稍前曰告潔畢詣省牲次引禮部尚書侍郎稍前

省牲訖退復位次引光祿卿丞出班巡牲一匝光祿丞
西向曰充曰備廩犧令帥諸太祝巡牲一匝西向躬身
曰膾禮直官稍前曰省牲畢請就省饌位引禮部尚書
以下各就位立定御史省饌具畢禮直官贊省饌訖俱
還齋所光祿卿丞及太祝廩犧令以次牽牲詣厨授太
官令禮直官引禮部尚書詣厨省鼎鑊視濯漑訖還齋
所脯後一刻大官令帥宰人執鸞刀割牲祝史各取毛
血每座共實一豆遂烹牲祝史洗肝于鬱鬯又取肝膋

每座共實一豆俱還饌所 前一日有司設大駕鹵簿于應天門外尚輦進玉輅于應天門內南向其日質明侍臣直衛及導駕官于致齋殿前左右分班立俟通事舍人引侍中俛伏跪奏請中嚴皇帝服通天冠絳紗袍少頃侍中奏外辦皇帝出齋室即御座羣官起居訖尚輦進輿侍中奏請皇帝升輿皇帝乘輿侍衛警蹕如常儀太僕卿先詣玉輅所攝衣而升正立執轡導駕官前導皇帝至應天門內玉輅所侍中進當輿前奏請皇帝

降輿升輅皇帝升輅太僕卿立授綏導駕官分左右步
導以裏為上門下侍郎進當輅前奏請車駕進發奏訖
俛伏興退復位侍衛儀物止于應天門內車駕動稱警
蹕至應天門門下侍郎奏請車駕少駐勅侍臣上馬侍
中奉旨退稱曰制可門下侍郎退傳制稱侍臣上馬贊
者承傳勅侍臣上馬導駕官分左右前導門下侍郎奏
請車駕進發車駕動稱警蹕不鳴鼓次將至太廟禮直
官贊者各引享官通舍人分引從享羣官宗室子孫於

廟門外立班奉迎駕至廟門迴輅南向侍中於輅前奏稱侍中臣某言請皇帝降輅步入廟門皇帝降輅導駕官前導皇帝步入廟門稍東侍中奏請皇帝升輿尚輦奉輿侍衛如常儀皇帝升輿至大次侍中奏請皇帝降輿入就大次皇帝入就次簾降繖扇侍衛如常儀太常卿太常博士各分立於大次左右導駕官詣廟庭班位立俟 享日丑前五刻諸享官及助祭官各服其服太廟令良醞令帥其屬入寶尊壘光祿卿大官令進饌者

實籩豆簋盞並徹去蓋罽奉禮郎贊者先入就位贊者引御史太廟令太祝宮闈令祝史與執事官等各自東偏門入就位未明二刻禮直官引太常寺官屬并太祝宮闈令升殿開始祖祫室太祝宮闈令捧出帝后神主設于座以次逐室神主各設于內黼屨前置定贊者引御史太廟令宮闈令太祝祝史與太常官屬于當階間重行北向立奉禮郎于殿上贊奉神主訖奉禮曰再拜贊者承傳御史以下皆再拜訖各就位太樂令帥工人

二舞入就位禮直官贊者各引享官通事舍人分引助祭文武羣官宗室入就位符寶郎奉寶陳于宮縣之北皇帝入大次少頃侍中奏請中嚴皇帝服袞冕侍中奏外辦太常卿俛伏跪奏稱太常卿臣某言請皇帝行事俛伏興簾捲皇帝出次太常卿太常博士前導繖扇侍衛如常儀大禮使後從至東神門外殿中監跪進鎮圭太常卿奏請執圭皇帝執鎮圭繖扇仗衛停於門外近侍者從入協律郎跪伏舉麾興工鼓祝宮縣昌寧之樂

作至阼階下偃麾戛敔樂止升自阼階登歌樂作左右侍從量人數升至版位西向立樂止前導官分左右侍立太常卿前奏請再拜皇帝再拜奉禮曰衆官再拜贊者承傳凡在位者皆再拜奉禮又贊諸執事者各就位禮直官贊者分引執事者各就殿上下之位太常卿奏請皇帝詣壘洗位登歌樂作至阼階樂止降自阼階宮縣樂作至洗位樂止內侍跪取匱興沃水又內侍跪取盤興承水太常卿奏請搢鎮圭皇帝搢鎮圭盥手訖內

侍跪取巾于篚興以進悅手訖奉瓚盤官以瓚跪進皇
帝受瓚內侍奉匱沃水又內侍跪奉盤承水洗瓚訖內
侍跪奉巾以進皇帝拭瓚訖內侍奠盤匱又奠巾于篚
奉瓚槃官以槃受瓚太常卿奏請執鎮圭前導皇帝升
殿宮縣樂作至阼階下樂止皇帝升自阼階登歌樂作
太常卿前導詣始祖位酌尊所樂止奉瓚槃官以瓚蒞
壺執尊者舉冪侍中跪酌鬱鬯訖太常卿前導入詣始
祖神位前北向立太常卿奏請措鎮圭跪奉瓚槃官西

向跪以瓚授奉瓚官奉瓚官西向以瓚跪進太常卿奏請執瓚以鬯裸地皇帝執瓚以鬯裸地訖以瓚授奉瓚槃官太常卿奏請執鎮圭俛伏興前導出戶外太常卿奏請再拜皇帝再拜太常卿前導詣次位並如上儀裸畢太常卿奏請還版位登歌樂作至版位西向立樂止太常卿奏請還小次前導皇帝行登歌樂作降自阼階登歌樂止宮懸樂作將至小次太常卿奏請釋鎮圭殿中監跪受鎮圭皇帝入小次簾降樂止少頃宮縣奏來

寧之曲以黃鍾為宮大呂為角太簇為徵應鍾為羽作
仁風道洽之舞九成止黃鍾三奏大呂太簇應鍾各再
奏送神通用來寧之曲初晨裸將畢祝史各奉毛血及
肝膋之豆先于南神門外齋郎奉爐炭蕭蒿黍稷各立
于肝膋之後皇帝既晨裸畢至樂作六成皆入自正門
升自太階諸太祝于階上各迎毛血肝膋進奠于神座
前祝史立于尊所齋郎奉爐置于室戶外之左其蕭蒿
黍稷各置于爐炭下齋郎降自西階諸太祝各取肝膋

于爐還尊所 皇帝升裸大官令帥進饌者奉神于南

神門外諸饌幔內以西為上禮直官引司徒出詣饌所

與薦俎齋郎奉俎并薦籩豆簋簋官奉籩豆簋簋禮直

官大官令引以序入自正門宮縣豐寧之樂作

徹豆至通用

太階樂止祝史俱進徹毛血之豆降自西階以出饌升

諸太祝迎於階上各設於神位前先薦牛次薦羊次薦

豕及魚禮直官引司徒以下降自西階復位諸太祝各

取蕭蒿黍稷孺於脂燎於爐炭訖還尊所贊者引舉冊

官升自西階詣始祖位之右進取祝冊置于版位之西
置訖於祝冊案近南立太常卿跪奏請詣罍洗位簾捲
出次宮縣樂作殿中監跪進鎮圭太常卿奏請執鎮圭
前導詣罍洗位樂止盥手洗爵並如晨裸之儀盥洗訖
太常卿奏請執鎮圭前導升殿宮縣樂作至阼階下樂
止升自阼階登歌樂作太常卿前導詣始祖位尊彝所
登歌樂止宮縣奏大元之樂文舞進奉爵官以爵蒞尊
執尊者舉冪侍中跪酌犧尊之泛齊訖太常卿導入詣

始祖室神位前北向立太常卿奏請搢鎮圭跪奉爵官以爵授進爵酒官進爵酒官西向以爵跪進太常卿奏請執爵三祭酒三祭酒於茅苴訖以爵授進爵官進爵酒官以爵授奉爵官太常卿奏請執鎮圭興前導出戶外太常奏請少立樂止舉冊官進舉祝冊中書侍郎搢笏跪讀祝舉祝官舉冊奠訖先詣次位太常卿奏請再拜再拜訖太常卿前導詣次位行禮並如上儀酌獻畢太常卿前導還版位登歌樂作至位西向立定樂止太

常卿奏請還小次登歌樂作降自阼階登歌樂止宮縣
樂作將至小次太常卿奏請釋鎮圭殿中監跪受鎮圭
入小次簾降樂止文舞退武舞進宮縣奏肅寧之樂作
功成治定之舞舞者立定樂止 皇帝酌獻訖將詣小
次禮直官引博士博士引亞獻詣盥洗位北向立搯圭
盥手悅手執圭詣爵洗位北向立搯圭洗爵拭爵以授
執事者執圭升自西階詣始祖位尊彝所西向立宮縣
樂作執事者以爵授亞獻亞獻搯圭執爵執尊者舉窠

大官令酌象尊之醴齊訖詣始祖神位前搯圭跪執事者以爵授亞獻亞獻執爵祭酒三祭酒于茅苴奠爵執圭俛伏興少退再拜訖博士前導亞獻詣次位行禮並如上儀禮畢樂止 終獻除本服執笏外餘並如亞獻之儀 七祀功臣獻官行禮畢太常卿跪奏詣飲福位簾捲出次宮縣樂作殿中監跪進鎮圭太常卿奏請皇帝執鎮圭前導至阼階下樂止升自阼階登歌樂作將至飲福位樂止初皇帝既獻訖太祝分神位前三牲肉

各取前脚第二骨加于俎又以籩取黍稷飴共置一籩
又酌上尊福酒合置一尊大禮直官引司徒升自西階
東行立于阼階上前楹間北向皇帝既至飲福位西向
立登歌福寧之樂作太祝酌福酒于爵以奉侍中侍中
受爵捧以立太常卿奏請皇帝再拜訖奏請搢圭跪侍
中以爵北向跪以進太常卿奏請執爵三祭酒于沙池
又奏請啐酒皇帝啐酒訖以爵授侍中太常卿奏請受
胙太祝以黍稷飴籩授司徒司徒跪奏進皇帝受以授

左右太祝又以胙肉俎跪授司徒司徒受俎訖跪進皇帝受以授左右禮直官引司徒退立侍中再以爵酒跪進太常卿奏請皇帝受爵飲福飲福訖侍中跪受虛爵興以授太祝太常卿奏請執圭俛伏興又奏請皇帝再拜再拜訖樂止太常卿前導皇帝還版位登歌樂作俟至位樂止太祝各進徹籩豆登歌豐寧之樂作卒徹樂止奉禮曰賜胙行事助祭官再拜贊者承傳在位官皆再拜宮縣來寧之樂作一成止太常卿奏禮畢前導降

自阼階登歌樂止宮縣樂作出門宮縣樂止繖扇仗衛
如常儀太常卿奏請釋鎮圭殿中監跪受鎮圭皇帝還
大次通事舍人禮直官贊者各引享官宗室子孫及從
享羣臣以次出及引導駕官東神門外大次前祇候前
導如來儀贊者引御史以下俱復執事位立定奉禮曰
再拜皆再拜贊者引工人舞人以次出大禮使帥諸禮
官太廟令太祝官闈令升納神主如常儀禮畢禮直官
引大禮使以下降自西階至橫街再拜而退其祝冊藏

於櫃七祀功臣分奠如禘享之儀

樂志郊祀前朝享太廟樂歌

皇帝入門宮縣無射宮昌寧之曲 郊將升禋廟當

告虔錫鬯戾止孝實奉先祀事斯舉有序無愆祇見

祖考神意懽然

皇帝升殿登歌夾鍾宮昌寧之曲 皇皇天子升自

阼階奠見祖禩肅然有懷百禮已洽八音克諧既昌

且寧萬福沓來

迎神宮縣來寧之曲黃鐘宮三奏大呂角二奏太簇
徵二奏應鍾羽二奏詞同 以實應天報本反始潔
粢豐盛禮先肆祀風馬雲車神之弔矣來止來宜而
燕翼子

皇帝盥洗宮縣無射宮昌寧之曲 有水于壘有巾
于篚悅手拭爵圭衮有焯玄酒太羹德馨惟菲萬年
昌寧皇皇負辰

皇帝升階宮縣無射宮昌寧之曲 降階同 魏魏京師

有嚴神宮聖主戾止多士雲從來享來獻肅肅其容
將昭大報庸示推崇

司徒捧俎宮縣無射宮豐寧之曲 陳其犧牲惟純
與精必芬孝思於昭克誠不疾瘕蟲或剝或烹洋洋
在上以交神明

始祖酌獻宮縣大元之曲 猗歟初基兆我王迹其
命維新貽謀丕赫綿綿瓜瓞國步日闢堂構之成焜
煌今昔

獻祖大昭之曲 以聖繼興成王之孚民從其化咸
奠攸居清廟觀德猗歟偉歟金石備樂以奉神娛

昭祖大成之曲 東夷不庭皇祖震怒神武削平貽
厥聖緒猶室有基垣墉乃樹億萬斯年天保孔固

景祖大昌之曲 於皇藝祖其智如神修法施令百
度維新疆宇日廣海隅咸賓功高德厚耀耀震震

世祖大武之曲 於皇先王昭假于天長駕遠馭麾
斥無前王業猶生孫謀有傳圓壇展禮敢先告虔

肅宗大明之曲 猗歟前人簡惠照融相我世祖成
茲伐功敷佑來葉帝圖其隆將修熙事先款神宮
穆宗大章之曲 仁慈忠信惟祖之休功光岐下迹
掩商邱言瞻清廟懷想前修神其來格歆茲庶羞
康宗大康之曲 猗歟前王惠我無疆儀刑典法日
靖四方永言孝思於乎不忘昭告大祀祗率舊章
太祖大定之曲 天生聰明俾乂蒸人惟此二國為
我毘民撻彼威武萬邦咸賓明昭大報推而配神

太宗大惠之曲 維清緝熙於昭明德我其牧之駿

奔萬國南郊肇修大典增飾清廟吉蠲純禧申錫

睿宗大和之曲 維時祖功肇開神基昭哉聖考其

德增輝上動天監明命攸歸謀貽翼子無疆之辭

文舞退武舞進宮縣肅寧之曲 先皇開基比迹殷

湯功加天下武德彌光容舞象成干戈戒揚於昭報

本懷哉不忘

亞終獻宮縣肅寧之曲 於皇宗祊朝獻維時芬芬

酒醴棣棣威儀誠則有餘神之格思神孫千億神其相之

皇帝飲福登歌夾鍾福寧之曲 皇皇穆穆丕承丕基躬親于禋載肅載祗對越在天神歆其誠于以飲酒如川之增

徹豆登歌夾鍾宮豐寧之曲 物維其時既豐且旨苾苾德馨或將或肆神之居歆洽于百禮於萬斯年穰穰介祉

送神宮縣黃鍾宮來寧之曲 濟濟多儀皇皇雅奏
獻終反爵薦餘徹豆神監昭回有秩斯祐無疆之福
神錫厥後

世宗本紀大定二十六年十一月甲辰朔定閔宗陵廟
薦享禮

禮志大定二十六年以內外祖廟不同定擬太廟每歲
五享山陵朔望忌辰及節底祭奠並依前代典故外衍
慶宮自來車駕行幸遇祖宗忌辰百官行禮并諸京祖

節辰忌辰朔望拜奠雖無典故參酌擬合依舊以盡崇奉之意從之

章宗承安四年七月朝獻于衍慶宮

章宗本紀太和元年十二月勅改原廟春秋祭祀稱朝獻二年正月乙卯朝獻于衍慶宮五月初薦新于太廟七月乙卯朝獻于衍慶宮三年正月丁丑朝獻于衍慶宮六年七月甲申朝獻于衍慶宮七年正月甲申朝獻于衍慶宮七月庚辰朝獻于衍慶宮八年

正月壬申朝獻于衍慶宮七月乙巳朝獻于衍慶宮
宣宗本紀貞祐二年正月以邊事未息有司奏請權止
今年朝獻原廟從之三年九月癸酉朝謁世祖太祖
御容於啟慶宮行獻享禮始用樂甲戌朝謁太宗熙宗
睿宗御容行獻享禮

興定元年六月乙卯顯宗忌日謁奠於啟慶宮八月太
祖忌日謁奠於啟慶宮二年七月以旱災享太廟
四年十二月庚辰臘享于太廟五年正月丁亥世宗

忌日謁奠于啟慶宮

哀宗本紀正大三年四月辛卯親享於太廟

禮志時享 有司行事前期太常寺舉申禮部闕學士
院司天臺擇日以其日報太常寺前七日受誓戒於尚
書省其日質明禮直官設版位於都堂之下依已定誓
戒圖禮直官引三獻官并應行事執事官等各就位立
定贊揖在位官皆對揖訖禮直官以誓文奉初獻官初
獻官搢笏讀誓文某月某日孟春薦享太廟各揚其職

不恭其事國有常刑讀訖執笏七品以下官先退餘官對拜訖乃退散齋四日治事如故宿於正寢惟不弔喪問疾作樂判署刑殺文字決罰罪人及預穢惡致齋三日於本司惟享事得行其餘悉禁一日於享所已齋而缺者通攝行事 前三日兵部量設兵衛列於廟之四門前一日禁斷行人儀鑾司設饌幔十一所於南神門外西南向又設七祀司命戶二位于橫街之北道西東向又設羣官齋宿次於廟門之東西舍前二日太樂局

設登歌之樂於殿上太廟令帥其屬掃除廟殿門之內
外於室內鋪設神位於北牖下當戶南向設几于筵上

又設三獻官拜褥位二

一在室內
一在室外

學士院定撰祝文訖

計會通進司請御署降付禮部置于祝案祠祭局濯滌
祭器與尊彝訖鋪設如儀內太尊二山罍二在室犧尊
五象尊五鳥彝一雞彝一在室戶外之左爐炭稍前著
尊二犧尊二在殿上象尊二壺尊六在下俱北向西上
加罍皆設而不酌并設獻官盥洗位禮部設祝案于室

戶外之右禮直官設版位并省牲位如式 前一日諸
太祝與廩犧令以牲就東神門外司尊彝與禮直官及
執事皆入升自西階以俟禮直官引太常卿贊者引御
史自西階升徧視滌濯執尊者舉冪告潔訖引降就省
牲位廩犧令稍前曰請省牲退復位太常卿省牲廩犧
令及太祝巡牲告備皆如郊社儀既畢太祝與廩犧令
以次牽牲詣厨授大官令贊者引光祿卿詣厨請省鼎
鑊申視滌漑贊者引御史詣厨省饌俱訖與太常卿等

各還齋所太官令帥宰人以鸞刀割牲祝史各取毛血
每室共實一豆又取肝膋共實一豆置饌所遂烹牲光
祿卿帥其屬入實祭器良醞令入實尊彝享日質明
百官各服其品服禮直官贊者先引御史博士太廟令
太官令諸太祝祝史司尊彛與執壘篚官等入自南門
當階間北向西上立定奉禮曰再拜贊者承傳皆再拜
訖贊者引太祝與宮闈令升自西階詣始祖室開柝室
太祝捧出帝主宮闈令捧出后主置于座

帝主在西
后主在東贊

者引太祝與宮闈令降自西階俱復位奉禮曰再拜贊者承傳在位官皆再拜訖俱各就執事位大樂令帥工人入禮直官贊者分引三獻官與百官俱自南東偏門入至廟庭橫街上三獻官當中北向西上應行事執事官并百官依品重行立奉禮曰拜贊者承傳應北向在位官皆再拜其先拜者不拜拜訖贊者引三獻官詣廟殿東階下西向立其餘行事執事官與百官俱各就位訖禮官詣初獻官前請行事協律郎跪俛伏興樂作禮直官

引初獻詣盥洗位北向立定樂止搢笏盥手悅手執笏
詣爵洗位北向立搢笏洗瓚拭瓚以瓚授執事者執笏
升殿樂作至始祖室尊彝所西向立樂止執事者以瓚
奉初獻官獻官搢笏執瓚執尊者舉冪大官令酌鬱鬯
訖初獻以瓚授執事者執笏詣始祖室神位前樂作北
向立搢笏跪執事者以瓚授初獻官初獻官執瓚以鬯
裸地訖以瓚授執事者執笏俛伏興出戶外北向再拜
訖樂止每室行禮並如上儀禮直官引初獻降復位初

獻將升裸祝史各奉毛血肝膋豆及齋郎奉爐炭蕭蒿
黍稷筐各於饌幔內以俟初獻晨裸訖以次入自正門
陞自太階諸太祝皆迎毛血膋肝豆於階上俱入奠于
神座前齋郎所奉爐炭蕭蒿筐皆置于室戶外之左與
祝史俱降自西階以出諸太祝取肝膋洗于鬱鬯燔於
爐炭訖還尊所 享日有司設羊鼎十一豕鼎十一於
神厨各在鑊右初獻既升裸光祿卿帥齋郎詣厨以七
升羊於鑊實於一鼎肩膊臠胙正脊一橫脊一長脊

一短脅一代脅一皆二骨以並次升豕如羊實于一鼎
每室羊豕各一鼎皆設局冪齋郎對舉入鑊放饌幔前
齋郎抽局委于鼎右除冪光祿卿帥大官令以匕陞羊
載于一俎肩臂臑在上端肫胙在下端脊脅在中次升
豕如羊各載于一俎每室羊豕各一俎齋郎即以局舉
鼎先退置於神厨訖復還饌幔所禮直官引司徒出詣
饌幔前以俟光祿卿帥其屬實籩以粉飡實豆以糝食
實簋以梁實簋以稷俟初獻裸畢復位祝史俱進徹毛

血之豆降自西階以出禮直官引司徒帥薦籩豆簋簋
官奉俎齋郎各奉籩豆簋簋羊豕俎每室以序而進立
于南神門之外以俟羊俎在前豕俎次之籩豆簋簋又
次之入自正門樂作升自太階諸太祝迎引於階上樂
止各設于神位前訖禮直官引司徒以下降自西階樂
作復位樂止諸太祝各取蕭蒿黍稷擣於脂燔於爐炭
還尊所 禮直官引初獻詣壘洗位樂作至位北向立
樂止搯笏盥手悅手執笏詣爵洗位北向立搯笏洗爵

拭爵以爵授執事者執笏升殿樂作詣始祖室酌尊所
西向立樂止執事者以爵授初獻初獻搢笏執爵執事
者舉簾大官令酌犧尊之汎齊訖次詣第二室酌尊所
如上儀詣始祖神位前樂作北向立搢笏跪執事者以
爵授初獻初獻執爵三祭酒于茅苴奠爵執笏俛伏興
出室戶外北向立樂止贊者引太祝詣室戶外東向搢
笏跪讀祝文讀訖執笏興次詣第二室次詣每室行禮
並如上儀初獻降階樂作復位樂止 禮直官引亞獻

詣盥洗位北向立搯笏盥手悅手執笏詣爵洗位北向
立搯笏洗爵拭爵以授執事官執笏升殿詣始祖酌尊
所西向立執事者以爵授亞獻亞獻搯笏執爵執尊者
舉冪大官令酌象尊之醴齊訖次詣第二室酌尊所如
上儀詣始祖神位前樂作北向立搯笏跪執事者以爵
授亞獻亞獻執爵三祭酒於茅苴奠爵執笏俛伏興出
戶外北向再拜訖樂止次詣每室行禮並如上儀降階
樂作復位樂止 禮直官次引終獻詣盥洗及升殿行

禮並如亞獻之儀降復位 次引太祝徹籩豆

少移處樂

作卒徹樂止俱復位禮直官曰賜胙贊者承傳曰賜胙
再拜在位者皆再拜禮直官引太祝宮闈令奉神主太
祝搢笏納帝主於匱奉入柝室執笏退復位次引宮闈
令納后主於匱奉入柝室並如上儀禮直官贊者引行
事執事官各就位奉禮曰再拜贊者承傳應在位官皆
再拜禮直官贊者引百官次出大樂令帥工人次出大
官令帥其屬徹禮饌次引監祭御史詣殿監視卒徹訖

還齋所太廟令闔戶以降太常藏祝版于櫃光祿以昨
奉進監祭御史就位展視光祿卿望闕再拜乃退其七
祀春戶夏竈中雷秋門冬井鋪設祭器入實酒饌俟終
獻將升獻獻官行禮并讀祝文及每歲四孟月臘五享
並如上儀

樂志時享攝事登歌樂章

初獻盥洗無射宮肅寧之曲 酌彼行潦維挹其清
潔齋以祀祀事昭明顯允辟公沃盥乃升神之至止

歆于克誠

初獻升殿夾鍾宮嘉寧之曲

餘同親祀惟不用宮縣

濟濟在

庭祇薦有序雍容令儀旋規折矩爰徂于基鳴佩接

武敬恭神明來寧來處

右金廟享

五禮通考卷九十四